

影寫宋本玉臺新詠

玉臺新詠



予年弱冠曾手撫馮知十影鈔宋本自謂  
不爽豪髮與此本正同暇時當互勘之

咸豐十年庚申人日拙安記時年七十



上年臘月兒子同書寄到是奉今歲予  
偶得兵馬司中街老屋數椽庭多花木  
為養病習靜之所憶嘉慶戊寅己卯  
章瑄香曾寓寓於斯展閱此冊不禁  
憮然庚申上巳日拙安又志





玉臺新咏推南宋陳玉父本為第一予從得一本於胥江舟次精  
神充足古艷照人嘗携之自行戴金溪比部勸予仿刻行之予  
以為恐貽譏效顰也伊揚州見之歎為百金之直持古書與徐侯  
參畫冊求易徘徊久之終不能忍丙子夏挾之入都為陳秋舫所窺  
盛譽之于葉東卿東卿予親家也秋舫親家也藏書富逾王侯  
聞秋舫言笑而不答越日秋舫生日東卿出此本為壽秋舫乃狂  
喜馳以示予予亦驚歎諦審之終若神氣不足出藏本方之此  
迺紙略新墨亦少輕其為玉父本可寶愛一也秋舫言東卿遂能  
捨此均之不如東卿達觀予言東卿遂能捨此均之不能如東  
卿忍情也秋舫大笑東卿亦大笑屬予記之是日酷熱越二日大雨



驟涼展對灑然迺為書其簡首

嘉慶丙子六月廿一日桐城汪正鑿均之氏記於蓮花寺寓舍

嘉慶丙子六月廿一日



蓮花寺寓舍

汪正鑿均之氏記於蓮花寺寓舍

嘉慶丙子六月廿一日

桐城汪正鑿均之氏記於蓮花寺寓舍

嘉慶丙子六月廿一日

桐城汪正鑿均之氏記於蓮花寺寓舍



丙子六月十八日為余三十二生日葉東卿以此為壽七月朔

旦值章大瑄香初度之辰還以贈之瑄香愛此書甚其在

瑄香猶其在秋舫也猶其在東卿也陳沆並識




... (Faint bleed-through text from the reverse side of the page) ...



玉臺新詠集并序

陳尚書左僕射太子少傅東海徐陵字孝穆撰

夫凌雲既日由余之所未窺千門萬戶張衡之所曾賦周王辟玉臺之上漢帝金屋之中玉樹以珊瑚作枝珠簾以瑇瑁為押其中有麗人焉其人五陵豪族充選掖庭四姓良家馳名永巷亦有賴川新市河間觀津本號嬌娥曾名巧笑楚王宮裏無不推其細腰衛國佳人俱言訝其纖手閱詩啟禮豈東隣之自媒婉約風流異西施之被教弟兄協律生小學歌少長河陽由來能舞琵琶新曲無待石崇筵筵雜引非關曹植傳鼓瑟於楊家得吹簫於秦女至若寵聞長樂陳后知而不平畫出天僊閼氏覽而遙妒至如東隣巧笑來侍寢於更衣西子微頰得橫陳於甲帳陪遊馭娉騁纖腰於結風長樂鴛鴦奏新聲於度曲妝鳴蟬之薄鬢照墮馬之垂鬟反插金鈿橫榴寶樹南都石黛最發雙蛾北地燕支偏開兩鬢亦有嶺上僊童分凡魏帝嘗中寶鳳授曆軒轅金星將嫠女爭華麝射月與常娥競爽驚鸞冶袖時飄韓椽之香飛鸞長裾宜結陳王之珮雖非圖畫入甘泉而不分言異神僊戲陽臺而無別真可謂傾國傾城無對無雙者也加以天時開朗逸思雕華妙解文章尤工詩賦瑠璃硯匣終日隨身翡翠筆牀無時





離手清文滿篋非惟芍藥之花新製連篇寧止蒲萄之樹九日登高時有緣情  
之作萬年公主非無累德之辭其佳麗也如彼其才情也如此既而椒宮宛轉  
柘觀陰岑絳鶴晨嚴銅螭晝靜三星未夕不事懷衾五日猶賒誰能理曲優遊  
少託寂寞多閑厭長樂之踈鐘勞中宮之緩箭纖腰無力怯南陽之擣衣生長  
深宮笑扶風之織錦雖復投壺玉女爲觀盡於百嬌爭博齊姬心賞窮於六箸  
無怡神於暇景惟屬意於新詩庶得代彼皋蘇調茲愁疾但徃世名篇當今巧  
製分諸麟閣散在鴻都不藉篇章無由披覽於是然脂瞑寫弄筆晨書選錄豔  
歌凡爲十卷曾無參於雅頌亦靡濫於風人涇渭之間若斯而已於是麗以金  
箱裝之寶軸三臺妙迹龍伸蠅屈之書五色華笈河北膠東之紙高樓紅粉仍  
定魚魯之文辟惡生香聊防羽陵之蠹靈飛太甲高檀玉函鴻烈僊方長推丹  
枕至如青牛帳裏餘曲既終朱鳥窻前新妝已竟方當開茲縹帙散此緇繩永  
對翫於書幃長循環於纖手豈如鄧學春秋儒者之功難習寶專黃老金丹之  
術不成因勝西蜀豪家託情窮於魯殿東儲甲觀流詠止於洞簫變彼諸姬聊  
同棄日猗歟彤管無或譏焉

玉臺新詠卷第一

陳尚書左僕射太子少傅東海徐陵字孝穆撰

古詩八首

古樂府詩六首

枝乘雜詩九首

李延年歌詩一首并序

蘇武詩一首

辛延年羽林郎詩一首

班婕妤怨詩一首并序

宋子侯董嬌饒詩一首

漢時童謠歌一首

張衡同聲歌一首

秦嘉贈婦詩三首并序秦嘉妻徐淑荅詩一首

蔡邕飲馬長城窟行一首

陳琳飲馬長城窟行一首

徐幹詩二首

情詩一首

繁欽定情詩一首

古詩無人名爲焦仲卿妻作并

古詩八首

上山采蘼蕪下山逢故夫長跪問故夫新人復何如新人雖言好未若故人姝  
顏色類相似手爪不相如新人從門入故人從閤去新人工織練故人工織素  
織練日一匹織素五丈餘將練來比素新人不如故  
癯癯歲暮云暮樓多鳴悲涼風率已厲遊子寒無衣錦衾遺洛浦同袍與我違  
獨宿累長夜寢想見容輝良人惟古歡枉駕惠前綏願得常巧笑攜手同車歸  
既來不須臾又不處重闈諒無鷓鴣風翼焉得凌風飛眴眴以適意引領遙相睇



從倚懷感傷垂涕霑雙扉

冉冉孤生竹結根泰山阿與君為新婚菟絲附女蘿菟絲生有時夫婦會有宜  
千里遠結婚悠悠隔山陂思君令人老軒車來何遲傷彼蕙蘭花含英揚光輝  
過時而不采將隨秋草萎君亮執高節賤妾亦何為

孟冬寒氣至北風何慘慄愁多知夜長仰觀衆星列三五明月滿四五蟾兔缺  
客從遠方來遺我一書札上言長相思下言久離別置書懷袖中三歲字不滅  
一心抱區區懼君不識察

客從遠方來遺我一端綺相去萬餘里故人心尚尔文彩雙鴛鴦裁為合歡被  
著以長相思緣以結不解以膠投漆中誰能別離此

四坐且莫諠願聽歌一言請說銅鑪器崔嵬象南山上枝以松柏下根據銅盤  
彫文各異類離婁自相聯誰能為此器公輸與魯班朱火然其中青煙颺其間  
從風入君懷四坐莫不歎香風難久居空令蕙草殘

悲與親友別氣結不能言贈子以自愛道遠會見難人生無幾時顛沛在其間  
念子棄我去新心有所歡結志青雲上何時復來還

穆穆清風至吹我羅裳裾青袍似春草長條隨風舒朝登津梁山裳裳望所思

安得抱柱信皎日以為期

古樂府詩六首

日出東南隅照我秦氏樓秦氏有好女自言名羅敷羅敷善蠶桑采桑城南隅  
青絲為籠繩桂枝為籠鉤頭上倭墮鬢耳中明月珠綠綺為下裾紫綺為上襦觀  
者見羅敷下擔捋鬢鬚少年見羅敷脫巾著帽頭耕者忘其耕鋤者忘其鋤來  
歸相喜怒但坐觀羅敷使君從南來五馬立峙嶮使君遣吏往問此誰家妹秦氏  
有好女自名為羅敷羅敷年幾何二十尚未滿十五頗有餘使君謝羅敷寧可  
共載不羅敷前置辭使君一何愚使君自有婦羅敷自有夫東方千餘騎夫婿  
居上頭何以識夫婿白馬從驪駒青絲繫馬尾黃金駱馬頭腰間鹿盧劍可  
直千萬餘十五府小吏二十朝大夫三十侍中郎四十專城居為人潔白皙鬢鬚頗有鬚  
盈盈公府步冉冉府中趨坐中數千人比白言夫婿殊 日出東南隅行

相逢狹路間道隘不容車如何兩少年挾轂問君家君家誠易知易知復難忘黃金  
為君門白玉為君堂堂上置樽酒使作郎鄴倡中庭生桂樹華燈何煌煌兄弟兩  
三人中子為侍郎五日一來歸道上自生光黃金駱馬頭觀者滿路傍入門時左顧  
但見雙鴛鴦鴛鴦七十二羅列自成行音聲何雍雍鶴鳴東西廂大婦織羅



綺中婦織流黃小婦無所作挾瑟上高堂丈人且安坐調絲未遽央 相逢狹路間  
 天上何所有歷歷種白榆桂樹夾道生青龍對道隅鳳皇鳴啾啾一母將九鶻  
 顧視世間人為樂甚獨殊好婦出迎客顏色正敷愉伸臂再拜跪問客平安不  
 請客北堂上坐客氎氎能清白各異樽酒上正華疏酌酒持與客客言主人持  
 却略再拜跪然後持一栝談笑未及竟左顧勅中厨促令辦粗飯慎莫使稽留  
 廢禮送客出盈盈府中趨送客亦不遠足不過門樞取婦得如此齊姜亦不如  
 健婦持門戶勝一大丈夫 隴西行

翩翩堂前燕冬藏夏來見兄弟兩三人流蕩在他縣故衣誰當補新衣誰當綻  
 賴得賢主人覽取為吾綻夫婿從門來斜柯西北眴語卿且勿眴水清石自見  
 石見何累累遠行不如歸 豔歌行

皚如山上雪皎若雲間月聞君有兩意故來相決絕今日斗酒會明日溝水頭  
 躑躅御溝上溝水東西流淒淒復淒淒嫁娶不須嘯願得一心人白頭不相離  
 竹竿何嫋嫋魚尾何徙徙男兒重意氣何用錢刀為 皚如山上雪  
 飛來雙白鵠乃從西北來十將五五羅列行不齊忽然卒疲病不能飛相隨五  
 里一反顧六里一徘徊吾欲銜汝去口噤不能開吾欲負汝去羽毛日摧積樂哉新

相知憂來生別離峙嶠顧羣侶淚落縱橫垂今日樂相樂延年萬歲期雙白鵠

枝乘雜詩九首

西北有高樓上與浮雲齊交疏結綺窻阿閣三重階上有弦歌聲音響一何悲  
 誰能為此曲無乃杞梁妻清商隨風發中曲正徘徊一彈再三歎慷慨有餘哀  
 不惜歌者苦但傷知音稀願為雙鴻鵠奮翅起高飛

東城高且長逶迤自相屬回風動地起秋草萋已綠四時更變化歲暮一何速  
 鷓鴣風懷苦心蟋蟀傷局促蕩滌放情志何為自結束燕趙多佳人美者顏如玉  
 被服羅裳衣當戶理清曲音響一何悲弦急知枉促馳情較正中帶沈吟聊躑躅  
 思為雙飛燕銜泥巢君屋

行行重行行與君生別離相去萬餘里各在天一涯道路阻且長會面安可知  
 胡馬嘶北風越鳥巢南枝相去日已遠衣帶日已緩浮雲蔽白日遊子不顧反  
 思君令人老歲月忽已晚棄捐勿復道努力加餐飯

涉江采芙蓉蘭澤多芳草采之欲遺誰所思在遠道還顧望舊鄉長路漫漫浩浩  
 同心而離居傷憂以終老

青青河畔草鬱鬱園中柳盈盈樓上女皎皎當窗牖娥娥紅粉妝纖纖出素手



昔為倡家女今為蕩子婦蕩子行不歸空牀難獨守

蘭若生春陽涉冬猶盛滋願言追昔愛情款感四時美人在雲端天路隔無期

夜光照玄陰長歎戀所思誰謂我無憂積念發狂癡

庭前有奇樹綠葉發華滋攀條折其榮將以遺所思馨香盈懷袖路遠莫致之

此物何足貴但感別經時

迢迢牽牛星皎皎河漢女纖纖擢素手札札弄機杼終日不成章泣涕零如雨

河漢清且淺相去復幾許盈盈一水間脉脉不得語

明月何皎皎照我羅牀帷憂愁不能寐覽衣起徘徊客行雖云樂不如早旋歸

出戶獨彷徨愁思當告誰引領還入房淚下沾裳衣

李延年歌詩一首并序

李延年知音善歌舞每為漢武帝作新歌變曲聞者莫不感動延年侍坐上起舞

歌曰北方有佳人絕出而獨立一顧傾人城再顧傾人國傾城復傾國佳人難再得

蘇武詩一首

結髮為夫婦恩愛兩不疑懽娛在今夕嫵婉及良時征夫懷遠路起視夜何其

參辰皆已沒去去從此辭征役在戰場相見未有期握手一長歎淚為別生滋

努力愛春華莫忘懽樂時生當復來歸死當長相思

辛延年羽林郎詩一首

昔有霍家妹姓馮名子都依倚將軍勢調笑酒家胡胡姬年十五春日獨當鑪

長裾連理帶廣袖合歡襦頭上藍田玉耳後大秦珠兩鬟何窈窕一世良所無

一鬟五百萬兩鬟千萬餘不意金吾子娉婷過我廬銀鞍何昱爚翠蓋空峙壻

就我求清酒絲繩提玉壺就我求珍肴金盤膾鯉魚貽我青銅鏡結我紅羅裾

不惜紅羅裂何論輕賤軀男兒愛後婦女子重前夫人生有新故貴賤不相踰

多謝金吾子私愛徒區區

班婕妤怨詩一首并序

昔漢成帝班婕妤失寵供養於長信宮乃作賦自傷并為怨詩一首

新裂齊紈素鮮潔如霜雪裁為合歡扇團團似明月出入君懷袖動搖微風發

常恐秋節至涼風奪炎熱棄捐篋笥中恩情中道絕

宋子侯董嬌饒詩一首

洛陽城東路桃李生路傍花花自相對葉葉自相當春風東北起花葉正低昂

不知誰家子提籠行采桑纖手折其枝花落何飄颺請謝彼妹子何為見損傷



高秋八月白露變文爲霜終年會飄隨安得久馨香秋時自零落春月復芬芳  
何時盛年去懽愛永相忘吾欲竟此曲此曲愁人腸歸來酌美酒挾瑟上高堂

漢時童謠歌一首

城中好高髻四方高一尺城中好大眉四方眉半額城中好廣袖四方用匹帛

張衡同聲歌一首

邂逅承際會遇得充後房情好新交接恐暎若揆湯不才勉自竭賤妾職所當  
綢繆主中饋奉禮助蒸嘗思爲苑蕩席在下蔽匡牀願爲羅衾幃在上衛風霜  
洒掃清枕席鞞芬以狄香重戶結金局高下華燈光衣解巾粉御列圖陳枕張  
素女爲我師儀態盈萬方衆夫所希見天老教軒皇樂莫斯夜樂沒齒焉可忘

秦嘉贈婦詩三首并序

秦嘉字士會隴西人也爲郡上掾其妻徐淑寢疾還家不獲面別贈詩云尔  
人生譬言朝露居世多屯蹇憂艱常早至懽會常苦晚念當奉時役去尔日遙遠  
遣車迎子還空往復空返省書情悽愴臨食不能飯獨坐空房中誰與相勸勉  
長夜不能眠伏枕獨展轉憂來如尋環匪席不可卷  
皇靈無私親爲善荷天祿傷我與尔身少罹乳獨旣得結大義懽樂若不足

念當遠離別思念敘款曲河廣無舟梁道近隔丘陵臨路懷惆悵中加馬正躑躅  
浮雲起高山悲風激深谷良馬不回鞍輕車不轉轂針藥可屢進愁思難爲數  
貞士篤終始思義不可屬

肅肅僕夫征鏘鏘揚和鈴清晨當引邁束帶待鷄鳴顧看空室中髣髴想姿形  
一別懷萬恨起坐爲不寧何用敘我心遺思致款誠寶釵可耀首明鏡可隨金形  
芳香去垢穢素琴有清聲詩人感木瓜乃欲答瑤瓊媿彼贈我厚慙此往物輕  
雖知未足報費用敘我情

秦嘉妻徐淑答詩一首

妾身兮不令嬰疾兮來歸沈滯兮家門歷時兮不差曠廢兮侍覲情敬兮有違  
君今兮奉命遠適兮京師悠悠兮離別無因兮敘懷瞻望兮踴躍佇立兮徘徊  
思君兮感結寢想兮容輝君發兮引邁去我兮日乖恨無兮羽翼高飛兮相追  
長吟兮永歎淚下兮霑衣

蔡邕飲馬長城窟行一首

青青河邊草綿綿思遠道遠道不可思宿昔寢見之寢見在我旁忽覺在他鄉  
他鄉各異縣展轉不相見枯桑知天風海水知天寒入門各自媚誰肯相爲言



客從遠方來遺我雙鯉魚呼兒烹鯉魚中有尺素書長跪讀素書書上音何如  
上有加飡食下有長相憶

陳琳飲馬長城窟行一首

飲馬長城窟水寒傷馬骨往謂長城吏慎莫稽留大原卒官作自有程舉築諧  
汝聲男兒寧當格鬪死何能怫鬱鬱築長城長城何連連連連三千里邊城多健  
少內舍多寡婦作書與內舍便嫁莫留住善事新姑章時時念我故夫子報書  
往邊地君今出語一何鄙身在禍難中何為稽留他家子生男慎莫舉生女哺  
用脯君獨不見長城下死人骸骨相撐拄結髮行事君慊慊心意關邊地苦賤  
妾何能久自全

徐幹室思一首

沈陰結愁憂愁憂為誰興念與君生別各在天一方良會未有期中心摧且傷  
不聊憂飡食慊慊常飢空端坐而無為房婦君容光其峩峩高山首悠悠萬里  
道君去已日遠鬱鬱結令人老人生一世間忽若暮春草時不可再得何為自愁  
惱每誦昔鴻恩賤軀焉足保其浮雲何洋洋願因通我辭飄飄不可寄徒倚徒  
相思人離皆復會君獨無反期自君之出矣明鏡暗不治思君如流水何有窮

已時其慘慘時節盡蘭華凋復零喟然長歎息君期慰我情展轉不能寐長夜  
何綿綿躡履起出戶仰觀三星連自恨志不遂泣涕如涌泉思君見巾櫛以  
盥我勞動安得鴻鸞羽覩此心中人誠心亮不遂搔首立悵悵何言一不見復  
會無因緣故如此目魚今隔如參辰其人靡非不有初想君能終之別來歷年歲  
舊思何可期重新而忘故君子所尤譏寄身雖在遠豈忘君須臾既厚不為薄  
想君時見思

情詩一首

高殿鬱鬱崇崇廣厦淒淒冷微風起閨闈落日照階庭峙嶺雲屋下嘯歌倚華楹  
君行殊不返我飾為誰榮鑪薰闔不用鏡匣上塵生綺羅失常色金翠暗無精  
嘉肴既忘御旨酒亦常停顧瞻空寂寂惟聞鶯雀聲憂思連相囑中心如宿醒

繁欽定情詩一首

我出東門遊邂逅承清塵思君即幽房侍寢執衣巾時無桑中契迫此路側人  
我即媚君姿君亦悅我顏何以致拳拳綰臂雙金環何以致殷勤約指一雙銀  
何以致區區耳中雙明珠何以致叩叩香囊繫肘後何以致契闊繞腕雙跳脫  
何以致結恩情珮玉綴羅纓何以結中心素縷連雙針何以結相於金薄畫搔頭



何以慰別離耳後瑤瑁釵何以答歡悅紉素三條裾何以結愁悲白絹雙中衣  
與我期何所乃期東山隅日旰兮不至谷風吹我襦遠望無所見涕泣起峙嶠  
與我期何所乃期山南陽日中兮不來凱風吹我裳逍遙莫誰覩君愁我腸  
與我期何所乃期西山側日夕兮不來躑躅長歎息遠望涼風至俯仰正衣服  
與我期何所乃期山北岑日暮兮不來淒風吹我衿望君不能坐悲苦愁我心  
愛身以何爲惜我華色時中情既款款然後尅密期寒衣躡茂草謂君不我欺  
廁此醜陋質徒倚無所之自傷失所欲淚下如連絲

古詩無名人爲焦仲卿妻作并序

漢末建安中廬江府小吏焦仲卿妻劉氏爲仲卿母所遣自誓不嫁其家逼之  
乃沒水而死仲卿聞之亦自縊於庭樹時傷之爲詩云尔

孔雀東南飛五里一徘徊十三能織素十四學裁衣十五彈箜篌十六誦詩書  
十七爲君婦心中常苦悲君既爲府吏守節情不移鷄鳴之機織夜夜不得息  
三日斷五匹大人故嫌遲非爲織作遲君家婦難爲妾不堪驅使徒留無所施  
便可白公姥及時相遣歸府吏得聞之堂上啟阿母兒已薄祿相幸復得此婦  
結髮同枕席黃泉共爲友共事二三年始尔未爲久女行無偏斜何意致不厚

阿母謂府吏何乃太區區此婦無禮節舉動自專由吾意久懷忿汝豈得自由  
東家有賢女自名秦羅敷可憐體無比阿母爲汝求便可速遣之遣之慎莫留  
府吏長跪答伏惟啟阿母今若遣此婦終老不復取阿母得聞之抱牀便大怒  
小子無所畏何敢助婦語吾已失恩義會不相從許府吏默無聲再拜還入戶  
舉言爲新婦哽咽不能語我自不驅卿逼迫有阿母卿但暫還家吾今且報府  
不久當歸還還必相迎取以此下心意慎勿違吾語新婦謂府吏勿復重紛紜  
往昔初陽歲謝家來貴門奉事循公姥進止敢自專晝夜勤作息伶俜苦辛  
謂言無罪過供養卒大恩仍更被驅遣何言復來還妾有繡罽襦菱鏡自生光  
紅羅複斗帳四角垂香囊箱簾六七十綵碧青絲繩物物各自異種種在其中  
人賤物亦鄙不足迎後人留待作遣施於今無會因時時爲安慰久久莫相忘  
鷄鳴外欲曙新婦起嚴妝著我繡袂裯事事四五通足下躡絲履頭上瑤瑁光  
膏若流紉素耳著明月璫指如削蔥根口如含朱丹纖纖作細步精妙世無雙  
上堂拜阿母母聽去不止昔作女兒時生小出野里本自無教訓兼媿貴家子  
受母錢帛多不堪母驅使今日還家去念母勞家裏却與小姑別淚落連珠子  
新婦初來時小姑如我長勤心養公姥好自相扶將初七及下九嬉戲莫相忘



出門登車去涕落百餘行府吏馬在前新婦車在後隱隱何甸甸俱會大道口下馬入車中低頭共耳語誓不相聞鄉且暫還家去吾今且赴府不久當還歸誓天不相負新婦謂府吏感君區區懷君既若見錄不久望君來君當作盤石妾當作蒲葦蒲葦絢如絲盤石無轉移我有親及兄性行暴如雷恐不任我意逆以煎我懷舉手長勞勞二情同依依入門上家堂進退無顏儀阿母大拊掌不圖子自歸十三教汝織十四能裁衣十五彈箜篌十六知禮儀十七遣汝嫁謂言無誓違汝今無罪過不迎而自歸蘭芝慙阿母兒實無罪過阿母大悲摧還家十餘日縣令遣媒來云有第三郎窈窕世無雙年始十八九便言多令才阿母謂阿女汝可去應之阿女銜淚答蘭芝初還時府吏見丁寧結誓不別離今日違情義恐此事非奇自可斷來信徐徐更謂之阿母白媒人貧賤有此女始適還家門不堪吏人婦豈合令郎君幸可廣問訊不得便相許媒人去數日尋遣丞請還說有蘭家女承籍有宦官云有第五郎嬌逸未有婚遣丞為媒人主簿通語言直說太守家有此令郎君既欲結大義故遣來貴門阿母謝媒人女子先有誓老姥豈敢言阿兄得聞之悵然心中煩舉言為阿妹作計何不量先嫁得府吏後嫁得郎君否泰如天地足以榮汝身不嫁義即體其佳欲何云

蘭芝仰頭答理實如兄言謝家事夫壻中道還兄門處分適兄意那得自任專雖與府吏要渠會永無緣登即相許和便可作婚姻媒人下牀去諾諾復尔尔還部白府君下官奉使命言談大有緣府君得聞之心中大歡喜視曆復開書便利此月內六合正相應良吉三十日今已二十七卿可去成婚交語速裝束駱驛如浮雲青雀白鵠舫四角龍子幡婀娜隨風轉金車玉作輪躑躅青驄馬流蘇金鏤鞍賫錢三百萬皆用青絲穿雜彩三百匹交廣市鮭珍從人四五百鬱鬱登郡門阿母謂阿女適得府君書明日來迎汝何不穿衣裳莫令事不舉阿女默無聲手中掩口噓淚落便如瀉移我瑠璃榻出置前窗下左手持刀尺右手執綾羅朝成繡袂袞晚成單羅衫掩掩日欲暝愁思出門噓府吏聞此變因求假暫歸未至二三里催藏馬悲哀新婦識馬聲躡履相逢迎悵然遙相望知是故人來舉手拍馬鞍嗟嘆使心傷自君別我後人事不可量果不如先願又非君所詳我有親父母逼迫兼弟兄以我應他人君還何所望府吏謂新婦賀卿得高遷盤石方可厚可以卒千年蒲葦一時絢便作旦夕聞卿當日勝貴吾獨向黃泉新婦謂府吏何意出此言同是被逼迫君尔妾亦然黃泉不相見勿違今日言執手分道去各各還家門生人作死別恨恨那可論念與世間辭



千萬不復全府吏還家去上堂拜阿母今日大風寒寒風摧樹木嚴霜相結庭蘭  
兒今日冥冥令母在後單故作不良計勿復怨鬼神命如南山石四體康且直  
阿母得聞之零淚應聲落汝是大家子仕宦於臺閣慎勿為婦死貴賤情何薄  
東家有賢女窈窕豔城郭阿母為汝求便復在旦夕府吏再拜還長嘆空房中  
作計乃尔立轉頭向戶裏漸見愁煎迫其日牛馬嘶新婦入青廬菴菴黃昏後  
寂寂人定初我命絕今日魂去尸長留攬裙脫絲履舉身赴青池府吏聞此事  
心知長別離徘徊庭樹下自挂東南枝兩家求合葬華山傍東西植松柏  
左右種梧桐枝枝相覆蓋葉葉相交通中有雙飛鳥自名為鴛鴦仰頭相向鳴  
夜夜達五更行人駐足聽寡婦赴傍徨多謝後世人戒之慎勿忘

玉臺新詠卷第一

玉臺新詠卷第二

魏文帝於清河見輓船士新婚與妻別一首

又於清河作一首

又甄皇后樂府塘上行一首

劉勳妻王氏雜詩二首并序

曹植雜詩五首

樂府三首

棄婦詩一首

魏明帝樂府二首

阮籍詠懷詩二首

傅玄樂府詩七首

和班氏詩一首

張華情詩五首

雜詩二首

潘岳內顧詩二首

悼亡詩二首

石崇王昭君辭一首并序

左思嬌女詩一首

魏文帝於清河見輓船士新婚與妻別一首

與君結新婚宿昔當別離涼風動秋草蟋蟀鳴相隨冽冽寒蟬吟蟬吟抱枯枝  
枯枝時飛揚身體忽遷移不悲身遷移但惜歲月馳歲月無窮極會合安可知  
願為雙黃鵠比翼戲清池

又清河作一首

方舟戲長水湛澹自浮沈弦歌發中流悲響有餘音音聲入君懷悽愴傷人心  
心傷安所念但願恩情淡願為鷓鴣風鳥雙飛翔北林



又甄皇后樂府塘上行一首

蒲生我池中其葉何離離  
傍能行仁義莫若妾自知  
眾口鑠黃金使君生別離  
念君去我時獨愁常苦悲  
想見君顏色感結傷心脾  
念君常苦悲夜夜不能寐  
莫以豪賢故棄捐素所愛  
莫以魚肉賤棄捐蔥與薤  
莫以麻棄賤棄捐管與蒯  
出亦復苦愁入亦復苦愁  
邊地多悲風樹木何脩脩  
從軍致獨樂延年壽千秋

劉勳妻王氏雜詩二首并序

王宋者平虜將軍劉勳妻也  
入門二十餘年後勳悅山陽  
司馬氏女以宋無子出之還  
於道中作詩二首

翩翩牀前帳張以蔽光輝  
昔將尔同去今將尔共歸  
緘藏篋笥裏當復何時披  
誰言去婦薄去婦情更重  
千里不唾井况乃昔所奉  
遠望未為遥峙壻不得往

曹植雜詩五首

明月照高樓流光正徘徊  
上有愁思婦悲歎有餘哀  
借問歎者誰言是客子妻  
君行踰十年孤妾常獨棲  
君若清路塵妾若濁水泥  
浮沉各異勢會合何時諧  
願為西南風長逝入君懷  
君懷時不開妾心當何依  
西北有織婦綺縞何繽紛  
明晨秉機杼日具不成文  
大息終長夜悲嘯入青雲

妾身守空房良人行從軍  
自期三年歸今已歷九春  
孤鳥繞樹翔嗷嗷鳴索羣  
願為南流景馳光見我君

微陰駸駸陽景清風飄我衣  
遊魚潛綠水翔鳥薄天飛  
眇客行士遙役不得歸  
始出嚴霜結今來白露晞  
遊子歎黍離處者歌式微  
慷慨對嘉賓悽愴內傷悲

攬衣出中閨逍遙步兩楹  
閑房何寂寞綠草被階庭  
空室自生風百鳥翔南征  
春思安可忘憂感與我并  
佳人在遠道妾身獨單煢  
歡會難再遇蘭芝不重榮  
人皆棄舊愛君豈若平生  
寄松為女蘿依水如浮萍  
束身奉衿帶朝夕不墮傾  
儻願終盼眄永副我中情

南國有佳人容華若桃李  
朝遊江北岸夕宿湘川汜  
時俗薄朱顏誰為發皓齒  
俛仰歲將暮榮曜難久恃

美女篇

美女妖且閑采桑歧路間  
長條紛冉冉落葉何翩翩  
攘袖見素手皓腕約金環  
頭上金釵斲翠珥翠琅玕  
明珠文玉體珊瑚間木難  
羅衣何飄飄輕裾隨風還  
顧眄遺光彩長嘯氣若蘭  
行徒用息駕休者以忘餐  
借問女安居乃在城南端  
青樓臨大路高門結重關  
容華暉朝日誰不希令顏  
媒氏何所營玉帛不時安



佳人慕高義求賢良獨難眾人何嗷嗷安知彼所歡盛年處房室中夜起長歎

種葛篇

種葛南山下葛蔓自成陰與君初婚時結髮恩義深歡愛在枕席宿昔同衾  
竊慕棠棣篇好樂和瑟琴行年將晚暮佳人懷異心思絕曠不接我情遂抑沈  
出門當何顧徘徊步北林下有交頸獸仰見雙棲禽攀枝長歎息淚下霑羅衿  
良鳥知我悲延頸對我吟昔為同池魚今若商與參往古皆歡遇我獨困於今  
棄置委天命愁愁安可任

浮萍篇

浮萍寄清水隨風東西流結髮辭嚴親來為君子仇恪勤在朝夕無端獲罪尤  
在昔蒙恩惠和樂如瑟琴何意今摧積曠若商與參茱萸自有芳不若桂與蘭  
新人雖可愛無若故所歡行雲有反期君恩儻中還慊慊仰天歎愁愁將何愬  
日月不常處人生忽若遇悲風來入懷淚下如垂露發篋造裳衣裁縫紉與素

棄婦詩一首

石榴植前庭綠葉搖縹青丹華灼烈烈惟彩有光榮光好擘流離可以戲淑靈  
有鳥飛來集樹翼以悲鳴悲鳴夫何為丹華實不成拊心長歎息無子當歸寧

有子月經天無子若流星天月相終始流星沒無精棲遲失所宜下與瓦石并  
憂懷從中來歎息通鷄鳴反側不能寐道遙於前庭峙壻還入房肅肅帷幕聲  
褰帷更攝帶撫弦彈素箏慷慨有餘音要妙悲且清收淚長歎息何以負神靈  
招搖待霜露何必春夏成晚穫為良實願君且安寧

魏明帝樂府詩二首

昭昭素明月暉光燭我牀憂人不能寐耿耿夜何長微風衝閨闥羅帷自飄颺  
攬衣曳長帶縱履下高堂東西安所之徘徊以傍徨春鳥向南飛翩翩獨翱翔  
悲聲命儔匹哀鳴傷我腸感物懷所思泣涕忽霑裳

種瓜東井上冉冉自踰垣與君新為婚瓜葛相結連寄託不肖軀有如倚太山  
菟絲無根株蔓延自登緣萍藻託清流常恐身不全被蒙丘山惠賤妾執拳拳  
天日照知之想君亦俱然

阮籍詠懷詩二首

二妃遊江濱逍遙從風翔文甫解環珮婉孌有芬芳猗靡情懽愛千載不相忘  
傾城迷下蔡容好結中腸感激生憂思萱草樹蘭房膏沐為誰施其雨怨朝陽  
如何金釵交一旦更離傷



昔日繁華子安陵與龍陽天天桃李花灼灼有暉光悅懌若九春磬折似秋霜  
流眄發媚姿言笑吐芬芳攜手等懽愛宿昔同衾裳願爲雙飛鳥比翼共翱翔  
丹青著明誓永世不相忘

傅玄青青河邊草篇

青青河邊草悠悠萬里道草生在春時遠道還有期春至草不生期盡歎無聲  
感物懷思心寢想發中情寢君如鴛鴦比翼雲間翔既覺寂無見曠如參與商  
河洛自用固不如中岳安回流不及反浮雲往自還悲風動思心悠悠誰知者  
懸景無停居忽如馳駟馬傾耳懷音響轉目淚雙墮生存無會期要君黃泉下

苦相篇 豫章行

苦相身爲女卑陋難再陳兒男當門戶墮地自生神雄心志四海萬里望風塵  
女育無欣愛不爲家所珍長大逃深室藏頭羞見人無淚適他鄉忽如雨絕雲  
低頭和顏色素齒結朱脣跪拜無復數婢妾如嚴賓情合同雲漢葵藿仰陽春  
心乖甚水火百惡集其身玉顏隨年變丈夫多好新昔爲形與影今爲胡與秦  
胡秦時相見一絕踰參辰

有女篇 豔歌行

有女懷芬芳媿媿步東箱蛾眉分翠羽明目發清揚丹脣啟皓齒秀色若瑤璋  
巧笑露權鬢衆媚不可詳容儀希世出無乃古毛嬙頭安金步搖耳繫明月璫  
珠環約素腕翠函垂鮮光文袍綴藻黼玉體映羅裳容華旣以豔志節擬秋霜  
徽音冠青雲聲響流四方妙哉英媛德宜配侯與王靈應萬世合日月時相望  
媒氏陳東帛羔鴈鳴前堂白雨盈中路起若鸞鳳翔兄夫徒踴躍望絕殊參商

朝時篇 怨歌行

昭昭朝時日皎皎晨明月十五入君門一別終華髮同心忽異離曠如胡與越  
胡越有會時參辰遼且闊形影無髣髴音聲寂無達纖弦感促柱觸之哀聲發  
情思如循環憂來不可遏塗山有餘恨詩人詠采芣蜻蚋吟牀下同風起幽閨  
春榮隨露落芙蓉生木末自傷命不遇良辰永乖別已尔可柰何譬言如紙素列衣  
孤雌翔故巢星流光景絕魂神馳萬里甘心要同穴

明月篇

皎皎明月光灼灼朝日暉昔爲春繭絲今爲秋女衣丹脣列素齒翠彩發娥眉  
嬌子多好言歡合易爲姿玉顏盛有時秀色隨年衰常恐新聞舊變故興細微  
浮萍無根本非水將何依憂喜更相接樂極自還悲



秋蘭篇

秋蘭蔭玉池池水清且芳芙蓉隨風發中有雙鴛鴦雙魚自踴躍兩鳥時回翔君期歷九秋與妾同衣裳

西長安行

所思兮何在乃在西長安何用存問妾香橙雙珠環何用重存問羽蓋翠琅玕今我兮聞君更有兮異心香亦不可燒環亦不可沈香燒日有歇環沈日自沈

和班氏詩一首

秋胡納令室三日宦他鄉皎皎潔婦姿冷冷空房嫵婉不終夕別如參與商憂來猶四海易感難可防人言生日短愁者苦夜長百草揚春華攘腕采柔桑素手尋繁枝落葉不盈筐羅衣翳玉體回目流彩章君子倦仕歸車馬如龍驤精誠馳萬里既至兩相忘行人悅令顏請息此樹傍誘以逢郎喻遂下黃金裝烈烈貞女忽言辭厲秋霜長驅及居室奉金升北堂母立呼婦來歡情樂未央秋胡見此婦惕然懷揆湯負心豈不慙永誓非所望清濁必異源鳧鳳不並翔引身赴長流果哉潔婦腸彼夫既不淑此婦亦大剛

張華情詩五首

北方有佳人端坐鼓鳴琴終晨撫管弦日夕不成音憂來結不解我思存所欽君子尋時役幽妾懷苦心初為三載別於今久滯淫昔耶生戶牖庭內自成林翔鳥鳴翠隅草蟲相和吟悲易感激俛仰淚流衿願託鷓鴣風翼束帶侍衣衾明月曜清景朧光照玄堦幽人守靜夜回身入空帷束帶俟將朝廓落晨星稀寐假交精爽覲我佳人姿巧笑媚權壓面聯媚眸與眉寐言增長歎悽然心獨悲清風動帷簾晨月燭幽房佳人處遐遠蘭室無容光衿懷推虛景輕衾覆空牀居懽惜夜促在感怨宵長撫枕獨吟歎綿綿心內傷君居北海陽妾在南江陰懸邈脩塗遠山川阻且深承驪注隆愛結分投所欽銜思守篤義萬里託微心

雜詩二首

逍遙遊春宮容與綠池阿白蘋齊素葉朱草茂丹華微風搖蒹若增波動芙蓉荷榮彩曜中林流馨入綺羅王孫遊不歸脩路邈以遐誰與翫遺芳佇立獨咨嗟荏苒日月運寒暑忽流易同好遊不存蒼蒼遠離析房櫳自來風戶庭無行迹



兼葭生牀下蛛蝥網四壁懷思豈不隆感物重鬱鬱積遊鴈比翼翔歸鴻知接翻  
來哉彼君子無愁徒自隔

潘岳內顧詩二首

靜居懷所歡登城望四澤春草鬱鬱青青桑柘何奕奕芳林振朱榮綠水激素石  
初征冰未泮忽焉振絺綌漫漫三千里蒼蒼遠行客馳情戀朱顏寸陰過盈尺  
夜愁極清晨朝悲終日夕山川信悠永願言良弗獲引領訊歸雲沈思不可釋  
獨悲安所慕人生若朝露綿邈寄絕域眷戀想平素尔情既來追我心亦還顧  
形體隔不達精爽交中路不見山上松隆冬不易故不見陵澗柏歲寒守一度  
無謂希是疎在遠分彌固

悼亡詩二首

荏苒冬春謝寒暑忽流易之子歸窮泉重壤永幽隔私懷誰克從淹留亦何益  
僮俛恭朝命回心反初役望廬思其人入室想所歷幃屏無髮髻翰墨有餘迹  
流芳未及歇遺挂猶在壁帳幔如或存回遑忡驚惕如彼翰林鳥雙棲一朝隻  
如彼遊川魚比目中路析春風緣隙來晨雷依簷滴寢息何時忘沈憂日盈積  
庶幾有時衰莊岳猶可擊

噉噉窻中月照我室南端清商應秋至溽暑隨節闌瘰瘰涼風升始覺夏衾單  
豈曰無重纊誰與同歲寒歲寒無與同朗月何朧朧展轉眄枕席長簟音牀空  
牀空委清塵室虛來悲風獨無李氏靈彷彿覩尔容撫衿長歎息不覺涕霑曾  
霑曾安能已悲懷從中起寢興自存形遺音猶在耳上慙東門吳下媿蒙莊子  
賦詩欲言志零落難具紀命也詩奈何長戚自令鄙

石崇王昭君辭一首并序

王明君者本為王昭君以觸文帝諱故改匈奴盛請婚於漢元帝以後宮良家  
女子明君配焉昔公主嫁烏孫令琵琶馬上作樂以慰其道路之思其送明君  
亦必尔也其造新之曲多哀怨之聲故敘之於紙云尔

我本漢家子將適單于庭辭訣未及終前驅已抗旌僕御涕流離轅馬為悲鳴  
哀鬱鬱傷五內泣淚霑珠纓行行日已遠乃造匈奴城延我於穹廬加我閼氏名  
殊類非所安雖貴非所榮父子見陵辱對之慙且驚殺身良未易默默以苟生  
苟生亦何聊積思常憤盈願假飛鴻翼棄之以遐征飛鴻不我顧佇立以屏營  
昔為匣中玉今為糞上英朝華不足歡甘為秋草并傳語後世人遠嫁難為情

左思嬌女詩一首



吾家有嬌女皎皎頗白皙小字為紉素口齒自清歷鬢髮覆廣額雙耳似連璧  
明朝弄梳臺黛眉類掃跡濃朱行丹脣黃吻瀾漫赤嬌語若連瑣忿速乃明愷  
握筆利彤管篆刻未期益執書愛綵素誦習於所獲其姊字惠芳面目瞭如畫  
輕莊喜縷邊臨鏡忘紡績舉解擬京北立的成復易玩弄眉頰間劇兼機杼役  
從容好趙舞延袖像飛翻上下弦柱際文史輒卷褻顧眄屏風畫如見已指擗  
丹青日塵闇明義為隱蹟馳鴛翔園林菓下皆生摘紅葩掇紫蒂萍實驟抵擲  
貪華風雨中倏眴數百適務躡霜雪戲重綦常累積并心注肴饌端坐理盤榻  
翰墨戢自按相與數離逝動為鑪鉞屈屣履任之適止為茶菽據吹吁對鼎鑊  
脂膩漫白袖烟動澹珂錫衣被皆重池難與次水碧任其孺子意羞受長者責  
瞥聞當與杖掩淚俱向壁

玉臺新詠卷第二

玉臺新詠卷第三

陸機擬古七首

為顧彥先贈婦二首

周夫人贈車騎一首

樂府三首

陸雲為顧彥先贈婦往各四首

張協雜詩一首

楊方合歡詩五首

王鑿七夕觀織女詩一首

李充嘲友人一首

曹毗夜聽擣衣一首

陶潛擬古詩一首

荀昶樂府詩二首

王微雜詩二首

謝惠連雜詩三首

劉鑠雜詩五首

陸機擬古七首

高樓一何峻若若峻而安綺窓出塵冥飛階躡雲端佳人撫琴瑟纖手清且閑  
芳草隨風結哀響馥若蘭玉容誰能顧傾城在一彈佇立望日吳躑躅再三歎  
不怨佇立久但願歌者歡思駕歸鴻羽比翼雙飛翰 擬西北有高樓

西山何其峻曾曲鬱鬱崔嵬零露彌天墜蕙葉憑林衰寒暑相因襲時逝忽如遺

三閭結飛轡太老至悲落暉曷為牽世務中心悵有違京雒多妖麗玉顏伴瓊髮

閑夜撫鳴琴惠音清且悲長歌赴促節哀響逐高徽唱萬夫歡再唱梁塵飛

思為河曲鳥雙遊豐水湄 擬東城高且長

嘉樹生朝陽凝霜封其條執心守時信歲寒不敢凋美人何其曠灼灼在雲霄



隆想彌年時長嘯入風飄引領望天末  
擬蘭若生春陽  
炤炤天漢暉粲粲光天步牽牛西北回  
織女東南顧華容一何綺揮手如振  
素怨彼河無梁悲此年歲暮跋彼無良  
緣晚馬不得度引領胡王大川雙涕如  
沾露  
擬茗茗牽牛星

靡靡江離草熠燿生河側皎皎彼姝女  
阿那當軒織粲粲妖容姿灼灼華美色  
良人遊不歸偏棲獨隻翼空房來悲風  
中夜起歎息  
擬青青河畔草

歡友蘭時往茗茗匿音徽虞淵引絕景  
四節遊若飛芳草久已茂佳人竟不歸  
躑躅遵林渚惠風入我懷感物戀所歡  
采采此欲貽誰  
擬庭中有奇樹

上山采瓊蕊空谷饒芳蘭采采不盈掬  
悠悠懷所歡故鄉一何曠山川阻且難  
沈思鐘萬里躑躅獨吟歎  
擬涉江采芙蓉

為顧彥先贈婦二首

辭家遠行遊悠悠三千里京洛多風塵  
素衣化為緇循身悼憂苦感念同懷子  
隆思亂心曲沈歡滯不起歡沈難克興  
心亂誰為理願假歸鴻翼翻飛浙江汜  
東南有思婦長歎充幽閨借問歎何為  
佳人眇天末遊宦久不歸山川脩且闊  
形影參商乖音息曠不達離合非有常  
辭彼弦與管願保金石志慰妾長飢渴

周夫人贈車騎一首

碎碎織細練為君作緝襦君行豈有顧  
憶君是妾夫昔者得君書聞君在高平  
今時得君書聞君在京城京城華麗所  
璀璨多異端男兒多遠志豈知妾念君  
昔者與君別歲聿薄將暮日月一何速  
素秋墜湛露湛露何冉冉思君隨歲晚  
對食不能飡臨觴不能飯

樂府三首

博桑升朝暉照此高臺端高臺多妖麗  
洞房出清顏淑貌曜故日惠心清且閑  
美目揚玉澤蛾眉象翠翰鮮膚一何潤  
彩色若可餐窈窕多容儀婉媚巧笑言  
暮春春服成粲粲綺與紵金雀垂藻翹  
瓊珮結瑤璠方駕揚清塵濯足洛水瀾  
藹藹風雲會佳人一何繁南崖充羅幕  
北渚盈軒軒清川含藻影高岸被華丹  
馥馥芳袖揮泠泠纖指彈悲歌吐清音  
雅舞播幽蘭丹唇含九秋妍迹凌七盤  
赴曲迅驚鴻蹈節如集鸞綺態隨顏變  
沈姿無定源俯仰紛阿那顧步咸可歡  
遺芳結飛天妖浮景映清滿冶容不足  
詠春遊良可歎  
豔歌行

遊僊聚靈族高會曾山阿長風萬里舉  
慶雲鬱鬱嗟峨宓妃興洛浦王韓起秦  
峯北徵瑤室女南要相川娥肅肅宵駕  
動翩翩翠蓋羅羽旗棲瑣鸞玉衡吐鳴  
和



大容揮高弦洪崖發清歌獻酬既已周輕軒垂紫霞總轡搏桑枝濯足湯谷波  
清輝溢天門垂慶惠皇家前緩聲歌

江離生幽者微芳不足宣被蒙風雨會移君華池邊發藻玉臺下垂影滄浪淵  
露潤既已渥結根與且堅四節遊不處華繁難久鮮淑氣與時殞餘芳隨風捐

天道有遷易人理無常全男懼智傾愚女愛衰避妍不惜微軀還但懼蒼蠅前  
願君廣未光照妾薄暮年塘上行

陸雲為顧彥先贈婦往反四首  
我在三川陽子居五湖陰山海一何曠譬彼飛與沈目想清惠安耳存淑媚音

獨寐多遠念寤言撫空衿彼美同懷子非尔誰為心  
悠悠君行邁焯焯妾獨止山河安可踰永隔路萬里京室多妖冶粲粲都人子

雅步嫺纖習巧笑發皓齒佳麗良可羨衰賤焉足紀遠蒙眷顧言銜恩非望始  
翩翩飛蓬征郁郁寒木榮遊止固殊性浮沈豈一情隆慶結在昔信誓貫三靈

秉心金石固豈從時俗傾美日逝不顧纖習徒盈盈何用結中款仰指北辰星  
浮海難為水遊林難為觀容色貴及時朝華忌日晏皎皎彼妹子灼灼懷春粲

西城善雅舞總章饒清彈鳴簧發丹脣朱弦繞素腕輕裾猶電揮雙袂如霞散

華容溢藻幄哀響入雲漢知音世所希非君誰能讚棄置北辰星問此玄龍煥  
時暮勿復言華落理必賤

張協雜詩一首

秋夜涼風起清氣蕩暄濁蜻蛉吟階下飛蛾拂明燭君子從遠役佳人守燒獨  
離居幾何時鑽燧忽改木房櫬無行迹庭草萋已綠青苔依空牆蜘蛛網四屋  
感物多所懷沈憂結心曲

楊方合歡詩五首

虎肅谷風起龍躍景雲浮同聲好相應同氣自相求我情與子親譬言如影追軀  
食共竝根穗飲共連理栝衣用雙絲絹寢共無縫絢居願接膝坐行願攜手趨  
子靜我不動子遊我無留齊彼同心鳥譬言此比目魚情至斷金石膠漆未為牢  
但願長無別合形作一軀生為併身物死為同棺灰秦氏自言至我情不可儔

磁石招長針陽燧下炎煙宮商聲相和心同自相親我情與子合亦如影追身  
寢共織成被絮用同功綿暑搖比翼扇寒坐併肩氈子笑我必哂子感我無懼  
來與子共迹去與子同塵齊彼蛭蛭獸舉動不相捐惟願長無別合形作一身  
生有同室好死成併棺民徐氏自言至我情不可陳



獨坐空室中愁有數千端非響音若愁歎哀涕應苦言仿惶四顧望白日入西山  
不覩佳人來但見飛鳥還飛鳥亦何樂夕宿自作羣  
飛黃銜長轡翼翼回輕輪俯涉綠水澗仰過九層山脩途曲且險秋草生兩邊  
黃華如水白金白華如散銀青敷羅翠彩絳葩象赤雲爰有承露枝紫榮合素芬  
扶疎垂清藻布翹芳且鮮目為豔彩回心為奇色旋撫心悼孤客俯仰還自憐  
時壻向壁歎攬筆作此文  
南隣有奇樹承春挺素華豐翹被長條綠葉蔽朱柯因風吐微音芳氣入紫霞  
我心羨此木願從着余家夕得遊其下朝得弄其葩爾根深且堅余宅淺且洿  
移植良無期歎息將如何

王鑒七夕觀織女一首

牽牛悲殊館織女悼離家一稔期一宵此期良可嘉赫奕玄門開飛閣鬱鬱嗟  
我隱隱驅千乘闐闐越星河六龍奮瑤轡文螭負瓊車火丹秉瑰燭素女執瓊華  
絳旗若吐電朱蓋如振霞雲韶何嘈噉靈鼓鳴相和亭軒紆高肘眷子在岌岌  
澤因芳露霑恩附蘭風加明發相從遊翩翩鸞鳥羅同遊不同觀念子憂怨多  
敬因三祝末以爾屬皇娥

李充朝友人一首

同好齊歡愛纏綿一何深子既識我情我亦知子心嫵婉歷年歲和樂如瑟琴  
良辰不我俱中闊似商參爾隔北山陽我分南川陰嘉會罔克從積思安可任  
目想妍麗姿耳存清媚音脩晝興永念遙夜獨悲吟逝將尋行役言別涕霑衿  
願尔降玉趾一顧重千金

曹毗夜聽擣衣一首

寒興御紉素佳人理衣衿冬夜清且永皓月照堂陰纖手疊輕素即杵叩鳴砧  
清風流繁節回颺灑微吟嗟此往運速悼彼幽帶心二物感余懷豈但聲與音

陶潛擬古一首

日暮天無雲春風扇微和佳人美清夜達曙酣且歌歌竟長歎息持此感人多  
明明雲間月灼灼葉中花豈無一時好不久當如何

荀祖樂府二首

朝發邯鄲邑暮宿井陘間井陘一何狹車馬不得旋邂逅相逢值崎嶇文一言  
一言不容多伏軾問君家君家誠難知難知復易博南面平原居北趨相如閣  
飛樓臨夕都通門枕華郭入門無所見但見雙棲鶴棲鶴數十雙鴛鴦羣相追



大兄珥金鐙中兄振纓綉伏臘二來歸隣里生光輝小第無所作鬪鷄東陌遠  
大婦織紵綺中婦縫羅衣小婦無所作挾瑟弄音徽丈人且却坐梁塵將  
欲飛 擬相逢狹路間

熒熒山上火茗茗隔隴左隴左不可至精爽通寤寐寤寐哀情同忽覺在他邦  
他邦各異邑相逐不相及迷墟在望煙木落知冰堅升朝各自進誰肯相攀牽  
客從北方來遺我端弋絢命僕開弋絢中有隱起珪長跪讀隱珪辭苦聲亦悽  
上言各努力下言長相懷 擬青青河邊草

王微雜詩二首

桑妾獨何懷傾筐未盈把自言悲苦多排却不肯捨妾悲叵陳訴填憂不消冶  
寒鴈歸所從半塗失馮憑假壯情拚驅馳猛氣捍朝社常懷雪漢慙常欲復周雅  
重名好銘勒輕軀願圖寫萬里度沙漠懸師蹈朔野傳聞兵失利不見來歸者  
奚處埋於麾何處喪車馬拊心悼恭人零淚覆面下徒謂久別離不見長孤寡  
寂寂掩高門寥寥空廣廈待君音不歸收顏今就櫛  
思婦臨高臺長想馮心華軒弄弦不成曲哀歌若送言箕帚留江介良人處鴈門  
詎憶無衣苦但知狐白溫日暗牛羊下野雀滿空園孟冬寒風起東壁正中昏

朱火獨照人抱景自愁怨誰知心曲亂所思不可論

謝惠連七月七日詠牛女

落日隱蒼楹丹月照房櫳團團滿葉露析析振條風蹠足循廣塗瞬目曬曾穹  
雲漢有靈匹彌年闕相從遐川阻暱愛脩者曠清容弄杼不成彩聳轡驚前蹤  
昔離秋已兩今聚夕無雙傾河易回幹款顏難久悰沃若靈駕旋寂寥雲幄空  
留情顧華寢遙心逐奔龍沈吟為尔感情深意彌重

擣衣

衡紀無淹度晷運倏如催白露滋園菊秋風落庭槐肅肅沙鷄羽烈烈寒螿嘒  
夕陰結空幕宵月皓中閨美人戒常服端飭相招攜簪玉出北房鳴金步南階  
攔高砧響發楹長杵聲哀微芳起兩袖輕汗染雙頰紵素既已成君子行不歸  
裁用筭中刀縫為萬里衣盈篋自予手幽絳俟君開晉帶準疇昔不知今是非

代古

客從遠方來贈我鵠文綾貯以相思篋絨以同心繩裁為親身服著以俱寢興  
別來經年歲歡心不可凌寫酒置井中誰能辯斗升合如杯中水誰能判淄澠

劉鑠雜詩五首



王臺新詠卷三  
眇眇凌羨道遙遙行遠之回車背京里揮手於此辭堂上流塵生庭中綠草滋  
寒蠶翔水曲秋兔依山基芳年有華月佳人無還期日夕涼風起對酒長相思  
悲發江南調憂委子衿詩臥看明鏡晦坐見輕紉縑淚容曠不飭幽鏡難復治  
願垂薄暮景照妾桑榆時  
代行行重行行

落宿半遙城浮雲謁曾闕玉宇來清風羅帳延秋月結思想伊人沈憂懷明發  
誰謂行客遊屢見流芳歇河廣川無梁山高路難越  
代明月何皎皎

白露秋風始秋風明月初明月照高樓白露皎玄除迨及涼雲起行見寒林踈  
客從遠方至贈我千里書先敘懷舊愛末陳久離居一章意不盡三復情有餘  
願遂平生眷無使甘言虛  
代孟冬寒氣至

淒淒含露臺肅肅迎風館思女御櫺軒哀心徹雲漢端撫悲弦泣獨對明鏡歎  
良人久徭役耿介終昏旦楚楚秋水歌依依采菱彈  
代青青河畔草

秋動清氛扇火移炎氣歇廣欄含夜陰高軒通夕月安步巡芳林傾望極雲闕  
組幕縈漢陳龍駕凌霄發誰云長河遙頗劇促筵越沈情未申寫飛光已飄忽  
來對眇難期今歡自茲沒  
詠牛女

王臺新詠卷第三

王臺新詠卷第四

王僧達七夕月下一首

顏延之爲織女贈牽牛七夕一首秋胡詩一首

鮑昭雜詩九首

王素學阮步兵體一首

鮑令暉雜詩六首

丘巨源雜詩二首

謝朓雜詩十二首

陸厥中山王孺子妾歌一首

王僧達七夕月下一首

施榮泰雜詩一首

遠山歛雲侵廣庭揚月波氣往風集隙秋還露泣柯節期旣已辱中霄振綺羅  
來歡詎終夕收淚泣分河

顏延之爲織女贈牽牛

婺女儂經星常娥棲飛月慙無二媛靈託身侍天闕闔闔殊未暉咸池豈沐髮  
漢陰不久張長河爲誰越雖有促讌期方須涼風發虛計雙耀周空遲三星沒  
非怨杼軸勞但念芳菲歇

秋胡詩一首

倚梧傾高鳳寒谷待鳴律影鄉響豈不懷自遠每相匹婉彼幽閑女作嬪君子室  
峻節貫秋霜明豔侔朝日嘉運旣我從欣願自此畢其燕居未及好良人顧有



違脫巾千里外結綬峇室畿戒徒在昧且左右來相依驅車出郊郭行路正威  
 遲存為久離別沒為長不歸其嗟余怨行役三陟窮晨暮嚴駕越風寒解鞍犯  
 霜露原隰多悲涼回飈卷高樹離獸起荒蹊驚鳥縱橫去悲哉遊宦子勞此山  
 川路其迢遙行人遠婉轉年運徂良時為此別日月方向除孰知寒暑積僂俛  
 見榮枯歲暮臨空房涼風起坐隅寢興日已寒白露生庭蕪嘒勤役從歸顧反  
 路遵山河昔辭秋未素今也歲載華蟄蟲月觀時暇桑野多經過佳人從所務窈  
 窕援高柯傾城誰不顧弭節停中阿其年往誠思勞事遠闊音形雖為五載別  
 相與昧平生捨車遵往路見藻馳目成南金豈不重聊自意所輕義心多苦調  
 密此金玉聲其高節難久淹竭來空復辭遲遲前途盡依依造門基上堂拜嘉  
 慶入室問何之日暮行采歸物色桑榆時美人切吾至慙歎前相持其有懷誰  
 能已聊用申苦難離居殊年歲一別阻河關春來無時豫秋至應早寒明發動  
 愁心閨中起長歎慘悽歲方晏日落遊子顏其高張生絕弦聲急由調起自昔  
 枉光塵結言固終始如何久為別百行德諸已君子失時義誰與偕沒齒媿彼  
 行露詩甘之長川九

鮑照歌月城西門

始見西南樓纖纖如玉鈎未映東北墀娟娟似娥眉娥眉蔽珠籠玉鈎隔綺窗  
 三五二八時千里與君同夜移衡漢落徘徊惟橫中歸華先委露別葉早辭風  
 客遊厭辛苦仕子倦飄塵沐澣自公日晏慰及私辰蜀琴摠白雪郢曲繞陽春  
 肴乾酒未缺金壺啓夕輪回軒駐輕蓋留酌待情人

代京雜篇

鳳樓十二重四戶八綺窗繡榻金蓮花柱玉盤龍珠簾無隔露羅幃不勝風  
 寶帳三千萬為尔一朝容揚芬紫煙上垂彩綵雲中春吹回白日霜歌落塞鴻  
 但懼秋塵起盛愛逐衰蓬坐視青落滿臥對錦筵空琴筑縱橫散舞衣不復縫  
 古來皆歇薄君意豈獨濃惟見雙黃鵠千里一相從

擬樂府白頭吟

直如朱絲繩清如玉壺冰何慙宿昔意猜恨坐相仍人情賤恩舊世義逐衰興  
 毫髮一為瑕丘山不可勝食苗實碩鼠點白信蒼蠅鳧鵠遠成美薪芻前見凌  
 申黜哀女進班去趙姬昇周王日淪惑漢帝益嗟稱心賞猶難恃貌恭豈易憑  
 古來共如此非君獨撫膺

采桑詩



季春梅始落女工事蠶作采桑淇水間還戲上宮閣早蒲時結陰晚管玉初解擇  
藹藹霧滿閨融融景盈幕乳鸞逐草虫巢蜂拾花藥是節最暄妍佳服又新爍  
歛歎對回塗揚歌弄場藿榴琴試佇思薦珮果誠託承君郢中美服義久心諾  
衛風古愉豔鄭俗舊浮薄虛願悲渡湘空賦笑灑洛盛明難重來淵意爲誰涸  
君其且調弦桂酒妾行酌

寢還詩

銜淚出郭門撫劍無人達沙風閣塞起離心眷鄉畿夜分就孤枕寢想暫言歸  
孀婦當戶笑搔絛復鳴機慊款論久別相將還綺幃靡靡簷草涼隴隴窻裏輝  
刈蘭爭芬芳采菊競歲蕤開匳集香蘇揆袖解纓微寐中長路近覺後大江違  
驚起空歎息恍忽神魂飛白水漫漫浩浩高山壯巍巍波潮異往復風霜改榮衰  
此土非吾土慷慨當訴誰

擬古

河畔草未黃胡鴈已矯翼秋蛩扶戶吟寒婦晨夜織去歲征人還流傳舊相識  
聞君上壘時東望久歎息宿昔衣帶改旦暮異容色念此憂如何夜長憂向多  
明鏡塵匣中寶琴生網羅

詠鸞

雙鸞戲雲崖羽翮始差池出入南閨裏經過北堂垂意欲巢君幕層楹不可窺  
沈吟芳歲晚徘徊韶景移悲歌辭舊愛銜泥覓新知

贈故人

寒灰滅更然夕華晨更鮮春冰雖暫解冬冰復還堅佳人捨我去賞愛長絕緣  
歡至不留時每感輒傷年

雙劍將別離先在匣中鳴煙雨交將夕從此遂分形雌沈吳江水雄飛入楚城  
吳江深無底楚城有崇局一爲天地別豈直阻幽明神物終不隔千祀儻還并

王素學子阮步兵體

沈情發遐慮紆鬱懷所思長髯聞簫管鳴鳳接羸姬聯綿共雲翼嫵婉相攜持  
寄言芳華士寵利不常期涇渭分清濁視彼谷風詩

吳邁遠擬樂府四首

可憐雙白鶴雙雙絕塵氛連翩弄光景交頸遊青雲逢羅復逢繳雌雄一旦分  
哀聲流海曲孤叫出江濱豈不慕前侶爲尔不及羣步步零淚千里猶待君  
樂哉新相知悲矣生別離恃此百年命共逐寸陰移譬言如空山草零落心



自知飛來雙白鵝

百里望咸陽知是帝京城綠樹搖雲光春城起風色佳人愛景華流靡園塘側  
妍姿豔月映羅衣飄蟬翼宋玉歌陽春已人長歎息雅鄭不同賞那令君愴惻  
生平重愛惠私自憐何極

陽春曲

生離不可聞況復長相思如何與君別當我盛年時蕙花每搖蕩妾心空自持  
榮乏草木歡悴極霜露悲富貴身難老貧賤年易衰持此斷君腸君亦宜自疑  
淮陰有逸將折翮謝翻飛楚亦扛鼎士出門不得歸正爲隆準公杖劍入紫微  
君才定何如白日下爭暉

長別離

晨有行路客依依造門端人馬風塵色知從河塞還時我有同棲結宦遊邯鄲  
將不異客子分飢復共寒煩君尺帛書寸心從此單遣妾長憔悴豈復歌笑顏  
簷隱干霜樹庭枯十載蘭經春不舉袖秋落寧復看一見願道意君門已九關  
虞卿棄相印擔簦爲同歡閨陰欲早霜何事空盤桓

長相思

鮑令暉擬青青河畔草

裊裊臨窻竹藹藹垂門桐灼灼青軒女泠泠高臺中明志逸秋霜玉顏豔春紅  
人生誰不別恨君早從戎鳴弦慙夜月紺黛羞春風

擬客從遠方來

客從遠方來贈我漆鳴琴木有相思文弦有別離音終身執此調歲寒不改心  
願作陽春曲宮商長相尋

題書後寄行人

自君之出天臨軒不解顏砧杵夜不發高門晝常關帳中流熠燿庭前華紫蘭  
物枯謝節異鴻來知客寒遊用暮冬盡除春待君還

古意贈今人

寒鄉無異服衣氈伐文練月月望君歸年年不解綆荆揚春早和幽異猶霜霰  
北寒妾已知南心君不見誰爲道辛苦寄情雙飛鸞形迫杼煎絲顏落風催電  
容華一朝盡惟餘心不變

代葛沙門妻郭小玉詩

明月何皎皎垂橫照羅茵若共相思夜知同互愛怨晨芳華豈矜貞霜露不憐人  
君非青雲逝飄迹事咸秦妾持一生淚經秋復度春  
君子將徭役遺我雙躡錦臨當欲去時復留相思枕頭用常著心枕以憶同寢  
行行日已遠轉覺思彌甚



丘巨源詠七寶扇

妙縞貴東夏巧媛出吳闈裁狀白玉璧縫似明月輪表裏鏤七寶中銜駭鷄珍  
畫作景山樹圖為河洛神來延揮握玩入與鏤鈿親生風長袖際晞華紅粉津  
拂晒迎嬌意隱映含歌人時移務忘故節改競存新卷情隨象簞舒心謝錦茵  
慙歇何足道敬哉先後晨

聽隣妓

披衽之遊術憑軼寡文才蓬門長自寂虛席視生埃貴里臨妝館東隣歌吹室  
雲間嬌響徹風末豔聲來飛華瑤翠幄揚芬金碧石枯久絕中州美從念戶鄉灰  
遺情悲近世中山安在哉

王元長古意

遊禽暮知反行人獨不歸坐銷芳草氣空度明月輝  
頰容入朝鏡思淚點春衣  
巫山彩雲沒淇上綠條稀待君音不至秋鷹雙雙飛  
霜氣下孟津秋風度函谷念君淒已寒當軒卷羅縠纖手廢裁縫曲鬢罷膏沐  
千里不相聞寸心鬱鬱氣氤氳况復飛螢夜木葉亂紛紛

詠琵琶

抱月如可明懷風殊復清絲中傳意緒花裏寄春情掩抑有奇態悽鏘多好聲  
芳袖幸時拂龍門空自生

詠幔

幸得與珠綴罽羅君之楹月映不辭卷風來輒自輕每聚金鑪氣時駐玉琴聲  
俱願致尊酒蘭釭當夜明

巫山高

響像巫山高薄暮陽臺曲煙霞乍舒卷蘅芳時斷續彼美如可期寤言紛在屬  
撫然坐相思秋風下庭綠

謝朓贈王主簿

日落窻中坐紅妝好顏色舞衣臂未縫流黃覆不織蜻蛉草際飛遊蜂花上食  
一遇長相思願寄連翩翼

清吹要碧玉調弦命綠珠輕歌急綺帶含笑解羅襦餘曲詎幾許高駕且時曙  
徘徊韶景暮惟有洛城隅

同王主簿怨情

掖庭聘絕國長門失歡讌相逢詎靡蕪辭寵悲團扇花叢亂數蝶風簾入雙燕



徒使春帶賒坐惜紅顏戀平生一顧重夙昔千金賤故人心尚永故心人不見

夜聽妓

瓊閨釵響聞瑤席芳塵滿要取洛陽人共命江南管情多舞態遲意傾歌弄緩知君密見親寸心傳玉鏡

上客光四座佳麗直千金挂釵報纓絕隨珥苔琴心蛾眉已共笑清香復入衾夜樂夜方靜翠帳垂沈沈

訊邯鄲故才人嫁為廝養卒婦

生平宮閣裏出入侍丹墀開笥方羅縠窺鏡比蛾眉初別意未解去久日生悲顛顛不自識嬌羞餘故姿寢中忽髣髴猶言承讌私

秋夜

秋夜促織鳴南隣擣衣急思君隔九重夜夜空佇立北窗輕幔垂西戶月光入何知白露下坐視前階濕誰能長分居秋盡冬復及

雜詠五首

叢翠斜漢裏蓄寶宕山峰榴莖類僊掌銜光似燭龍飛蛾再三繞輕花四五重孤對相思夕空照儂衣縫

杏梁賓未散桂宮明欲沈暖色輕帷裏低光照寶琴徘徊雲髻影灼爍綺踈金恨君秋月夜遺我洞房陰

燭

本生朝夕池落景照參差汀洲蔽杜若幽渚奪江離遇君時采擷玉座奉金卮但願羅衣拂無使素塵彌

席

玲瓏類丹檻茗亭似玄闕對鳳懸清水垂龍挂明月照粉拂紅妝插花埋雲髮玉顏徒自見常畏君情歇

鐙臺

新葉初萼萼初蕊新霏霏逢君後園讌相隨巧笑歸親勞君玉指摘以贈南威用持插雲髻翡翠比光輝日暮長零落君恩不可追

落梅

陸厥中山王孺子妾歌

如姬寢臥內班妾坐同車洪波陪飲帳林光晏秦餘歲暮寒飈及秋水落芙蓉子瑕矯後駕安陵泣前魚賤妾終已矣君子定焉如

施榮泰雜詩

趙女脩麗姿燕姬正容飾妝成桃毀紅黛起草慙色羅裊數十重猶輕一蟬翼不言縠袖輕專歎風多力鏘珮玉池邊弄笑銀臺側折柳貽目成插蒲贈心識來時嬌未盡還去媚何極



玉臺新詠卷第四

來報欲未盡... 玉臺新詠卷第四... 鮑子卿... 班婕妤... 綾扇如團月... 竊悲涼風至... 張司空離情... 秋月映簾櫳... 夜樹發紅彩...

鮑子卿二首

子卿... 鮑子卿... 鮑子卿... 鮑子卿... 鮑子卿... 鮑子卿... 鮑子卿... 鮑子卿... 鮑子卿... 鮑子卿...

班婕妤

班婕妤... 班婕妤... 班婕妤... 班婕妤... 班婕妤... 班婕妤... 班婕妤... 班婕妤... 班婕妤... 班婕妤...

綾扇如團月

綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月...

竊悲涼風至

竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至...

張司空離情

張司空離情... 張司空離情... 張司空離情... 張司空離情... 張司空離情... 張司空離情... 張司空離情... 張司空離情... 張司空離情... 張司空離情...

秋月映簾櫳

秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳...

夜樹發紅彩

夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩...

玉臺新詠卷第五

江淹四首

柳惲九首

鮑子卿二首

何遜一十一首

江淹古體

丘遲二首

江洪四首

何子朗三首

王樞三首

沈約二十四首

高爽一首

范靖婦四首

庾丹二首

遠與君別者... 遠與君別者... 遠與君別者... 遠與君別者... 遠與君別者... 遠與君別者... 遠與君別者... 遠與君別者... 遠與君別者... 遠與君別者...

班婕妤

綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月... 綾扇如團月...

竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至... 竊悲涼風至...

張司空離情

秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳... 秋月映簾櫳...

夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩... 夜樹發紅彩...



休上人怨別

西北秋風至楚客心悠悠日暮碧雲合佳人殊未來露彩方泛豔月華始徘徊  
寶書為君掩瑤琴詎能開相思巫山渚悵望雲陽臺金鑪絕沈燎綺席徧浮埃  
桂水日千里因之平生懷

丘遲敬訓柳僕射征怨

清歌自言妍雅舞空仙耳中解明月頭上落金鈿雀飛且近遠暮入綺窗前  
魚戲雖南北終還荷葉邊惟見君行久新年非故年

答徐侍中為人贈婦

丈夫吐然諾受命本遺家糟糠且棄置蓬首亂如麻側聞洛陽客金蓋翼高車  
謁帝時來下光景不可奢幽房一洞啓二八盡芬華羅裾有長短翠鬢無低斜  
長眉橫玉臉皓腕卷輕紗俱看依井蝶共取落檐花何言征戍苦抱膝空咨嗟

沈約登高望春

登高眺京洛街巷紛漠漠回首望長安城闕鬱鬱盤桓日出照鈿黛風過動羅紉  
齊童躡朱履趙女揚翠翰春風搖雜樹歲蕤綠且丹寶瑟必玫瑰柱金鞦韆瑁鞍  
淹留宿下蔡置酒過上蘭解眉還復斂方知巧笑難佳期空靡靡含睇未成歡

嘉客不可見因君寄長歎

昭君辭

朝發披香殿夕濟汾陰河於茲懷九逝自此斂雙蛾沾莊疑湛露繞臆狀流波  
日見奔沙起稍覺轉蓬多胡風犯肌骨非直傷綺羅銜涕試南望關山鬱鬱嗟峨  
始作陽春曲終成苦寒歌惟有三五夜明月暫經過

少年新婚為之詠

山陰柳家女莫言出田野丰容好姿顏便僻工言語要胥肢既軟弱衣服亦華楚  
紅輪映早寒畫扇迎初暑錦履並花紋繡帶同心苴羅襦金薄廁雲鬢花釵舉  
我情已鬱紆何用表崎嶇託意眉間黛申心上朱莫爭三春價坐喪千金軀  
盈尺青銅鏡徑寸合浦珠無因達往意欲寄雙飛鳧裾開見玉趾衫薄映凝膚  
羞言趙飛鸞笑殺秦羅敷自顧雖悴薄冠蓋曜城隅高門列駟駕廣路從驪駒  
何慚鹿盧劍詎減府中趨還家問鄉里詎堪持作夫

雜曲三首

捨轡下彫輅更衣奉玉牀斜簪映秋水開鏡比春妝所畏紅顏促君恩不可長  
鷄冠且容裔豈吝桂枝亡

攜手曲

玉臺斤亦卷五

廿七



西征登隴首東望不見家關樹插紫葉寒草發青身昆明當欲滿蒲萄應作花  
流淚對漢使因書寄狹邪 有所思

河漢縱且橫北斗橫復直星漢空如此寧知心有憶孤燈暖不明寒機曉猶織  
零淚向誰道鷄鳴徒歎息 夜夜曲

雜詠五首

楊柳亂如絲綺羅不自持春草青復綠客心傷此時翠箔已結消碧水復盈淇  
日華照趙瑟風心動燕姬衾中萬行淚故是一相思 春詠

風來吹葉動風去畏花傷紅英已照灼况復含日光歌童暗理曲游女夜縫裳  
詎減當春淚能斷思人腸 詠桃

月華臨靜夜夜靖滅氛埃方暉音戶入圓影隙中來高樓切思婦西園游上才  
網軒映珠綴應門照綠箔洞房殊未曉清光信悠哉 詠月

輕陰拂建章夾道連未央因風結復解霑露柔且長楚妃思欲絕班女淚成行  
流人未應去為此歸故鄉 詠柳

江南簫管地妙響發孫枝慙勤寄玉指含情舉復垂彫梁再三繞輕塵四五移  
曲中有淡意丹誠君詎知 詠篪

六憶詩四首 三言五言

憶來時的的上階墀勤勤敍離別慊慊道相思相看常不足相見乃忘飢  
憶坐時點點羅帳前或歌四五曲或弄兩三弦笑時應無比嗔時更可憐  
憶食時臨盤動容色欲坐復羞坐欲食復羞食唯如不飢擎手甌似無力  
憶眠時人眠彊未眠解羅不待勸就枕更須牽復恐傍人見嬌羞在燭前

十詠二首

纖手製新奇刺作可憐儀縈絲飛鳳子結縷坐花兒不聲如動吹無風自裊移  
麗色儻未歇聊承雲鬢垂 領邊繡  
丹墀上岨沓玉殿下趨鏘逆轉珠珮響先表繡桂香裾開臨舞席拂袖繞歌堂  
所歎忘懷妾見委入羅牀 脚下履

擬青青河邊草

漠漠牀上塵中心憶故人故人不可憶中夜長歎息歎息想容儀不欲長別離  
別離稍已久空牀寄梧酒

擬三婦

大婦埽玉墀中婦結羅帷小婦獨無事對鏡畫蛾眉良人且安臥夜長方自私



挾瑟叢臺下徒倚愛容光佇立日已暮戚戚苦人腸露葵已堪摘湛水未霑裳  
錦衾無獨煖羅衣空自香明月雖外照寧知心內傷

寢見美人

夜聞長歎息知君心有憶果自閨闔開魂交觀容色既薦巫山枕又奉齊眉食  
立望復橫陳忽覺非在側那惡神傷者潺湲淚霑臆

效古

可憐桂樹枝單雄憶故雌歲暮異棲宿春至猶別離山河隔長路路遠絕容儀  
豈云無我匹寸心終不移

初春

扶道覓陽春佳人共攜手草色獨自非林中都未有無事逐梅花空中信楊柳  
且復歸去來含情寄杯酒

悼亡

去秋三五月今秋還照房今春蘭蕙草來春復吐芳悲哉人道異一謝永銷亡  
屏筵空有設帷席更施張遊塵掩虛座孤帳覆空牀萬事無不盡徒令存者傷

柳惲擣衣詩一首

孤衾引思緒獨枕愴憂端淡庭秋草綠高門白露寒思君起清夜促柱奏幽蘭  
不怨飛蓬苦徒傷蕙草殘其行役滯風波游人淹不歸亭皋木葉下龍音秋雲  
飛寒園夕鳥集思牖草蟲悲嗟矣當春服安見禦冬衣其鶴鳴勞永歎采芣傷  
時暮念君方遠徯望妾理纈素秋風吹綠潭明月懸高樹佳人飾淨容招攜從  
所務其步攔杳不極離家肅已局軒高夕杵散氣爽夜砧鳴瑤華隨步響幽蘭  
逐袂生時燭理金翠容與納宵清麒泛豔回煙彩淵旋龜鶴文淒淒合歡袖苒  
苒蘭麝芬不怨杼軸苦所悲千里分垂泣送行李傾首遲歸雲琪

鼓吹曲二首

別島望風臺天淵臨水殿芳草生未積春花落如霰出從張公子還過趙飛鸞  
奉帚長信宮誰知獨不見

獨不見

少長倡家女出入燕南垂惟持德自美本以容見知舊聞關山遠何事總金羈  
妾心日已亂秋風鳴細枝

度關山

雜詩

雲輕色轉暖草綠辰芳歸山墟能寒晦園澤潤朝暉春心多感動覩物情復悲



自君之出矣蘭堂能鳴機徒知游宦是不念別離非

長門怨

玉壺夜悒悒應門重且淡秋風動桂樹流月搖輕陰綺檐清露溽網尹思蟲吟  
歎息下蘭閣含愁奏雅琴何由鳴曉珮復得抱宵衾無復金屋念豈照長門心

江南曲

汀州采白蘋日落江南春洞庭有歸客瀟湘逢故人故人何不返春華復應晚  
不道新知樂且言行路遠

起夜來

城南斷車騎閣道覆清埃露華光翠網月影入蘭臺洞房且莫掩應門或復開  
颼颼秋桂響非君起夜來

七夕穿針

黛馬秋不歸緇紈無復緒迎寒理夜縫映月搗纖縷的皜愁睇光連娟思眉聚  
清露下羅衣秋風吹玉柱流陰稍已多餘光欲難取

詠席

照日汀州際搖風綠潭側雖無獨繭輕幸有青袍色羅袖少輕塵象牀多麗飾

願君蘭夜飲佳人時宴息

江洪詠歌姬

寶鑷間珠花分明靚莊點薄鬢約微黃輕紅澹鉛臉發言芳已馳復加蘭蕙染  
浮聲易傷歎沈唱安而險孤轉忽徘徊雙蛾乍舒歛不持全示人半用輕紗掩

舞女

嘗纖茂楚媛體輕非趙姬映袵闐寶粟緣肘挂珠絲發袖已成態動足復含姿  
斜精若不眴當轉復遲疑何慙雲鶴起詎減鳳鸞時

詠紅箋

雜彩何足奇惟紅偏作可灼爍類藻開輕明似霞破鏤質卷芳脂裁花承百和  
且傳別離心復是相思裏不值情幸人豈識風流座

詠薔薇

當戶種薔薇枝葉太歲裝不搖香已亂無風花自飛春閨不能靜開匣對明妃  
曲池浮采采斜岸列依依或聞好音度時見銜泥歸且對清觴湛其餘任是非

高爽詠鏡

初上鳳皇墀此鏡照蛾眉言照長相守不照長相思虛心會不采貞明空自欺



無言故此物更復對新期

鮑子卿詠畫扇

細絲本自輕弱彩何足晒直為發紅顏謬成握中扇乍奉長門泣時承柏梁宴  
思莊開已掩歌容隱而見但畫雙黃鶴莫作孤飛鷺

詠玉階

玉階已夸麗復得臨紫微北戶接翠幄南路低金扉重疊通日影參差藏月輝  
輕落染珠履微澱拂羅衣獨笑崑山曲空見青鳧飛

何子朗學謝體

桂臺清露拂銅陛落花沾美人紅妝能攀鉤卷細簾思君數手促纖玉指何纖纖  
未應為此別無故坐相嫌

和虞記室騫古意

美人弄白日灼灼當春牖清鏡對蛾眉新花映玉手葦鳥下拾池泥風來吹細柳  
君子何時歸與我酌尊酒

和繆郎視月

清夜未云疲細簾聊可發玲玲玉潭水映見蛾眉月靡靡露方垂輝輝光稍沒

佳人復千里餘影徒揮忽

范靖婦詠步搖花

珠華紫翡翠寶葉間金瓊剪荷不似製為花如自生低枝拂繡領微步動瑤瑛  
但令雲髻插蛾眉本易成

戲蕭孌

明珠翠羽帳金薄綠綃帷因風時暫舉想象見芳姿清晨插步搖向晚解羅衣  
託意風流子佳情詎肯私

詠五彩竹火籠

可憐潤霜質纖剖復豪分織作回風苴製為紫綺文含芳出珠被曜彩接細羣  
徒嗟金麗飾豈念昔凌雲

詠燈

綺筵日已暮羅帷月未歸開花散鵲彩含光出九微風軒動丹焰冰宇澹清暉  
不吝輕蛾繞惟恐曉蠅飛

何遜日夕望江贈魚司馬

溢城帶溢水溢水縈如帶日夕望高城耿耿青雲外城中多宴賞絲竹常繁會



管聲已流悅，弦聲復悽切。歌黛慘如愁，舞腰疑欲絕。仲秋黃葉下，長風正騷屑。早鴈出雲歸，故鶯辭檐別。書悲在異縣，夜寢還洛汭。洛汭何悠悠，起望登西樓。的的飄向浦，團團日隱州。誰能一羽化，輕舉逐飛浮。

擬輕薄篇

城東美少年，重身輕萬億。柘彈隨珠丸，白馬黃金飾。長安九逵上，青槐蔭道植。較擊晨已喧，肩排暗不息。走狗通西望，牽牛亘南直。相期百戲傍，去來三市側。象牀沓繡被，玉盤傳綺食。倡女掩扇歌，小婦開簾織。相看獨隱笑，見人還斂色。黃鶴悲故羣，山枝詠初識。烏飛過客盡，雀聚行龍匿。酌羽前馱馱，此時歡未極。

詠照鏡

珠簾旦初卷，綺機朝未織。玉匣開鑿形，寶臺臨淨飾。對影獨含笑，看花空轉側。聊爲出繭眉，試染天氎色。羽釵如可間，金鈿長相逼。蕩子行未歸，曉妝坐露臆。

閨怨

曉河沒高棟，斜月半空庭。窻中度落葉，簾外隔飛螢。含情下翠帳，掩涕閉金屏。昔期今未反，春草寒復青。思君無轉易，何異北辰星。

詠七夕

僊車駐七襄，鳳駕出天潢。月映九微火，風吹百和香。來歡暫足巧，笑還淚已嗙。妝依稀猶洛汭，倏忽似高唐。別離不得見，河漢漸湯湯。

詠舞妓

管清羅薦合，弦驚雪袖遲。逐唱回纖手，聽曲動蛾眉。凝情盼墮珥，微睇託含辭。日暮留嘉客，相看愛此時。

看新婦

霧夕蓮出水，霞朝日照梁。何如花燭夜，輕扇掩紅妝。良人復灼灼，席上自生光。所悲高駕動，環珮出長廊。

詠倡家

皎皎高樓暮，華燭帳前明。羅帷雀釵影，寶瑟鳳鸞聲。夜花枝上發，新月霧中生。誰念當窻牖，相望獨盈盈。

詠白鷗朝別者

可憐雙白鷗，朝夕水上游。何言異棲息，雌住雄不留。孤飛出嶼浦，獨宿下滄州。東西從此去，影響絕無由。

春園學青青，河邊草



春園日應好折花望遠道秋夜苦復長抱枕向空牀吹樓下促節不言於此別  
歌筵掩團扇何時一相見弘絕猶依軫葉落裁下枝即此雖云別方我未成離  
朝劉孝綽

房櫳滅夜火窻戶映朝光妖女褰帷出蹀躞初下牀雀釵橫曉鬢蛾眉豔宿妝  
稍聞玉鈿遠猶憐翠被香寧知早朝客差池已鴈行

五樞古意應蕭信武教

朝取飢蠶食夜縫千里衣復聞南陌上日暮采蓮歸青箔覆寒井紅藥間青微  
人生樂自極良時徒見違何由及新鸞雙雙還共飛

至烏林村見采桑者聊以贈之

遙見提筐下翩妍實端妙將去復回身欲語先為笑閨中初別離不許覓新知  
空結茱萸帶敢報木蘭枝

徐尚書座賦得可憐

紅蓮披白露玉白映朝霞飛鸞嗥妝罷顧步插餘花盃巾金鈿滿參差繡領斜  
暮還垂瑤帳香鐙照九華

庚丹秋閨有望

耿耿橫天漢飄飄出岫雲月斜樹倒影風至水回文已泣機中婦復悲牀上君  
羅襦曉長褰翠被夜徒薰空汲銀牀井誰縫金縷裊所思竟不至空持清夜分

夜寢還家

歸飛寢所憶共子汲寒漿銅瓶素絲綆綺井白銀牀雀出丰茸樹蟲飛瑤瑁梁  
離人不相見難忍對春光

玉臺新詠卷第五



玉臺新詠卷第六

吳均二十首

王僧孺二十七首

張率擬樂府三首

徐悱詩二首

費昶十首

姚鼐同郭侍郎采桑一首

孔翁歸和湘東王班姬一首

徐悱妻劉令嫺答外二首

何思澄三首

徐悱答唐孀七夕所穿針一首

吳均和蕭洗馬子顯古意六首

賤妾思不堪采桑渭城南帶減連枝繡髮亂鳳皇簷花舞衣裳薄蛾飛愛綠潭  
無由報君此流涕向春蠶其

妾本倡家女出入魏王宮既得承璫輦亦在更衣中蓮花銜青雀寶粟鈿金蟲  
猶言不得意流涕憶遼東其

春草攏可結妾心正斷絕綠鬢愁中改紅顏嗁裏滅非獨淚成珠亦見珠成血  
願為飛鵲鏡翩翩照離別其

何處報君書隴右五歧路淚研兔枝墨筆染鵝毛素碧浮孟渚水香下洞庭路  
應歸遂不歸芳春空擲度其

妾家橫塘北發豔小長干花釵玉腕轉珠繩金絡凡罽歷懸青鳳逶迤搖白團



誰堪久見此含恨不相看  
琪  
匈奴數欲盡僕在玉門關  
蓮花穿劍鏃秋月掩刀環  
春機鳴窈窕夏鳥思緜蠻  
中人坐相望狂夫終未還  
琪

與柳惲相贈荅六首

黃鸝飛上苑綠芷出汀州  
日映昆明水春生鳩鵲樓  
飄颻白花舞舞瀾漫紫萍流  
書織回文錦無因寄隴頭  
思君甚瓊樹不見方離憂

鳴鞭適大阿聯翩渡漳河  
燕姬及趙女挾瑟夜經過  
織罽廣袖半額畫長蛾  
客本倦游者箕帚在江沱  
故人不可棄新知空復何

離君苦無樂向暮心悽悽  
要途訪趙使聞君仕執珪  
杜衡色已發昌蒲葉未齊  
罽罽歷蠶餌繭差池鶯吐泥  
願逐春風去飄蕩至遼西

白日隱城樓勁風掃寒木  
離析隔西東執手異涼燠  
相思咽不言洞房清且肅  
歲去甚流煙年來如轉軸  
別鶴千里飛孤雌夜未宿

閨房宿已靜落月有餘暉  
寒蟲隱壁思秋蛾繞燭飛  
絕雲斷更合離禽去復歸  
佳人今何在迢遞江之沂  
為別鶴弄千里淚沾衣

秋雲靜晚天寒夜方綿綿  
聞君吹急管相思雜采蓮  
別離未幾日高月三成弦

蹀躞黃河浪嘶唱隴頭  
蟬寄君薜蘿蕪葉插著叢  
臺邊

擬古四首

嫋嫋陌上桑陰陌復垂  
塘長條映白日細葉隱鸝黃  
蠶飽妾復思拭淚且提筐

故人寧知此離恨  
前人腸陌上桑

咸陽春草芳秦帝卷衣裳  
玉檢茱萸匣金泥蘇合香  
初芳熏復帳餘輝曜玉牀

當須宴朝罷持此贈華陽  
秦王卷衣

錦帶雜花鈿羅衣垂綠川  
問子今何去出采江南蓮  
遼西三千里欲寄可無因  
緣

願君早旋及及此荷花鮮  
采蓮

豔裔商陽之春攜手清洛濱  
鷄鳴上林苑薄暮小平津  
長裾藻白日廣袖帶芳塵  
故友一如此新知詎憶人

贈杜容成一首

一鷺海上來一鷺高臺息  
一朝所逢遇依然舊所識  
問我來何遲關山幾迂直  
荅言海路長風多飛無力  
昔別縫羅衣春風初入帷  
今來夏欲晚桑蛾薄樹飛

春詠

春從何處來拂衣復驚馬  
梅雲障青瑣闥風吹承露臺  
美人隔千里羅帷閉不開



無由得共語空對相思柘

去妾贈前夫

棄妾在河橋相思復相遠鳳皇簪落鬢蓮花帶緩膏腸從別處斷只在淚中消  
願君憶疇昔片言特見饒

詠少年

董生惟巧笑子都信美目百萬市一言千金買相逐不道參差菜誰論窈窕淑  
願君捧繡被來就越人宿

王僧孺春怨

四時如湍水飛奔競回復夜鳥鄉音嚶嚶朝光照煜煜厭見花成子多看筍為竹  
萬里斷音書十載異棲宿積愁落芳鬢長嘯壤美目君去在榆關妾留住函谷  
惟對昔邪房如見蜘蛛屋獨與響相訓還將影自逐象牀易擅簞羅衣變單複  
幾過度風霜猶能保燒獨

月夜詠陳南康新有所納

二人如花三五月如鏡開簾一種色當戶兩相映重價出秦韓高名入燕鄭  
十城屢請易千金幾爭聘君意自能專妾心本無競

見貴者初迎盛姬聊為之詠

久想專房麗未見傾城者千金訪繁華一朝遇容冶家本薊門外來戲叢臺下  
長卿幸未匹文君復新寡

與司馬治書同聞隣婦夜織

洞房風已激長廊月復清諠諠夜庭廣飄飄曉帳輕雜聞百蟲思偏傷息聲  
鳥聲長不息妾心復何極猶恐君無衣夜夜當窻織

夜愁

欄露滴為珠池冰合成辟玉萬行朝淚瀉千里夜愁極孤帳閉不開寒膏盡復益  
誰知心眼亂看朱忽成碧

春閨有怨

愁來不理鬢春至更攢眉悲看蛺蝶粉泣望蜘蛛絲月映寒蛩褥風吹翡翠帷  
飛鱗難託意馭翼不銜辭

擣衣

足傷金管處多愴緹光促下機鴛鴦西眺鳴砧遠東旭芳汗似蘭湯雕金辟龍燭  
散度廣陵音操寫漁陽曲別鶴悲不已離鸞斷更續尺素在魚腸寸心憑鴈足



爲人述寤

工知想成寤未信寤如此皎皎無片非的的一皆是以親芙蓉褥方開合歡被  
雅步極嬌妍含辭恣委靡如言非倏忽不意成俄尔及寤盡空無方知悉虛詭  
爲人傷近不見

羸女鳳皇樓漢姬柏梁殿詎勝僂將死音容猶可見我有一心人同鄉不異縣  
異縣不成隔同鄉更脉脉如牛女無妨年一語

爲何庫部舊姬擬薜蘿之句

出戶望蘭薰寒簾正逢君斂容纔一訪新知詎可聞新人含笑近故人含淚隱  
妾意在寒松君心逐朝槿

在王晉安酒席數韻

窈窕宋容華但歌有清曲轉眄非無以斜扇還相矚詎減許飛瓊多勝劉碧玉  
何因送款款伴飲杯中醪

爲人有贈

碧玉與綠珠張盧復雙女曼聲古難匹長袂世無侶似出鳳皇樓言發瀟湘渚  
幸有褰裳便含情寄一語

何生姬人有怨

寒樹棲羈雌月映風復吹逐臣與棄妾零落心可知寶琴徒七弦蘭鐙空百枝  
顰容不足效曉妝拭復垂同衾成楚越異國非此離

鼓瑟曲 有所思

夜風吹熠燿朝光照昔邪幾銷薜蘿葉空落蒲桃花不堪長織素誰能獨浣紗  
光陰復何極望促反成賒知君自蕩子柰妾亦倡家

爲人寵姬有怨

可憐獨立樹枝輕根易搖已爲露所浥復爲風所飄錦衾裊不臥端坐夜及朝  
是妾愁成瘦非君重細腰

爲人自傷

自知心裏恨還向影中羞回持昔慊慊變又作今悠悠還君與妾珥歸妾奉君裘  
弦斷猶可續心去最難留

秋閨怨

斜光隱西壁暮雀上南枝風來秋扇屏月出夜鐙吹淡心起百際遙淚非一垂  
徒勞妾辛苦終言君不知



張率相逢行

相逢夕陰階獨趨尚冠里高門既如一甲第復相似憑軾日欲昏何處訪公子  
公子之所在所在良易知青樓出上路漸臺臨曲池堂上撫流徽雷尊朝夕施  
橘柚芬華實朱火燎金枝兄弟兩三人裾珮紛陸離朝從禁中出車騎並驅馳  
金鞍馬塢勒聚觀路傍兒入門一顧望鳧鵠有雄雌雄雌各數千相鳴戲羽儀  
並在東西立君羊次何離離大婦刺方領中婦抱嬰兒小婦尚嬌稚端坐吹參差  
丈人無遽起神鳳且來儀

對酒

對酒誠可樂此酒復能醕如華良可貴如乳更非珍何以留上客為寄掌中人  
金尊清復滿玉斝亟來親誰能共遲暮對酒及芳晨君歌當未罷却坐避梁塵

遠期

遠期終不歸節物坐將變白露愴單棲秋風息團扇誰能久離別他鄉且異縣  
浮雲蔽重山相望何時見寄言遠行者空閨淚如霰

徐悱贈內

日暮想清陽躡履出椒房網蟲生錦薦遊塵掩玉牀不見可憐影空餘黼帳香

彼美情多樂挾瑟坐高堂豈忠離憂者向隅心獨傷聊因一書札以代九回腸

對房前桃樹詠佳期贈內

相思上北閣徙倚望東家忽有當軒樹兼含映日花方鮮類紅粉比素若鉛華  
更使增心憶彌令想狹斜無如一路阻岷岷似雲霞嚴城不可越言折代踈麻

費昶華觀省中夜聞城外擣衣

閶闔下重關丹墀吐明月秋氣城中冷秋砧城外發浮聲繞崔臺飄響度龍闕  
婉轉何藏摧當從上路來藏摧意未已定自乘軒裏乘軒盡世家佳麗似朝霞  
圓瑤耳上照方繡領閒斜衣薰百和屑鬢搖九枝花昨暮庭槐落今朝羅綺薄  
拂席卷鴛鴦開縵舒龜鶴金波正容與玉步依砧杵紅袖往還紫素腕參差舉  
徒聞不得見獨夜空愁佇獨夜何窮極懷之在心側階垂三衡露庭舞相風翼  
瀝滴流星輝粲爛長河色三冬誠足用五日無糧食揚雲已寂寥今君復弦直

和蕭記室春旦有所思

芳樹發春輝蔡子望青衣水逐桃花去春隨楊柳歸楊柳何時歸裊裊復依依  
已蔭章臺陌復埽長門扉獨知離心者坐惜春光違洛陽遠如日何由見宓妃

春郊望美人



芳郊拾翠人回袖掩芳春金輝起步搖紅彩發吹綸湯湯蓋頂日飄飄馬足塵  
薄暮高樓下當知妾姓秦

詠照鏡

晨輝照杏梁飛鸞起朝妝留心散廣黛輕手約花黃正釵時念影拂絮且憐香  
方嫌翠色故乍道玉無光城中皆半額非妾畫眉長

和蕭洗馬畫屏風二首

日淨班姬門風輕董賢館卷耳緣階出反舌登牆喚蠶女桂枝鈎遊童蘇合彈  
拂袖當留客相逢莫相難 陽春發和氣

佳人在河內征夫鎮馬邑零露一朝團中夜兩垂泣氣爽牀帳冷天寒針縷澀  
紅顏本暫時君還詎相及 秋夜涼風起

采菱

妾家五湖口采菱五湖側玉面不關妝雙眉本翠色日斜天欲暮風生浪未息  
宛在水中央空作兩相憶

長門后怨

向夕千愁起自悔何嗟及愁思且歸牀羅襦方掩泣絳樹搖風軟黃鳥弄聲急

金屋貯嬌時不言君不入

鼓吹曲二首

巫山光欲晚陽臺色依依彼美巖之曲寧知心是非朝雲觸石起暮雨澗羅衣  
願解千金珮請逐大王歸 巫山高

上林鳥欲棲長安日行暮所思鬱鬱不見空想丹墀步簾動憶君來雷聲似車度  
北方佳麗子窈窕能回顧夫君自迷惑非爲妾心妒 有所思

姚翻同郭侍郎采桑一首

鴈還高柳北春歸洛水南日照茱萸領風搖翡翠簷參桑閒視欲暮閨裏遽飢蠶  
相思君助取相望妾那堪

孔翁歸奉和湘東王教班婕妤一首

長門與長信日暮九重空雷聲聽隱隱車響絕寵寵恩光隨妙舞團扇逐秋風  
鉛華誰不慕人意自難終

徐悝妻劉令嫺答外詩二首

花庭麗景斜蘭牖輕風度落日更新妝開簾對春樹鳴鸚葉中響戲蝶枝邊鶯  
調瑟本要歡心愁不成趣良會誠非遠佳期今不遇欲知幽怨多春閨深且暮



東家挺奇麗南國擅容輝夜月方神女朝霞喻洛妃還看鏡中色比豔自知非  
擣辭徒妙好連類頓乖違智夫雖已麗傾城未敢希

何思徵奉和湘東王教班婕妤

寂寂長信晚雀聲哦洞房蜘蛛網高閣駁蘇被長廊虛殿簾帷靜閑階花縹香  
悠悠視日暮還復拂空牀

擬古

故交不可忘猶如蘭桂芳新知雖可悅不異茱萸香妾有鳳鷓曲非爲陌上桑  
薦君君不御抱瑟自悲涼

南苑逢美人

洛浦疑回雪巫山似旦雲傾城今始見傾國昔曾聞媚服隨嬌合丹脣逐笑分  
風卷蒲萄帶日照石榴裙自有狂夫在空持勞使君

徐悱荅唐孀七夕所穿針

倡人助漢女靚妝臨月華連針學並蒂縈縷作開花嬀閨絕綺羅攬贈自傷嗟  
雖言未相識聞道出良家曾停霍君騎經過柳惠車無由一共語暫看日昇霞  
玉臺新詠卷第六

玉臺新詠卷第七

梁武帝二十四首

湘東王繹詩七首

梁武帝擣衣

駕言易水北送別河之陽沈思慘行鑣結寢在空牀既寤丹綠謬始知紉素傷  
中州木葉下邊城應早霜陰蟲日慘烈庭艸復云黃冷風但清夜明月懸洞房  
嫋嫋同宮女助我理衣裳參差夕杵引哀怨秋砧揚輕羅飛玉腕弱翠低紅妝  
朱顏色已興眴睇目增光擣以一匪石文成雙鴛鴦制握斷金刀薰用如蘭芳  
佳期久不歸持此寄寒鄉妾身誰爲容思君苦人腸

擬長安有狹斜十韻

洛陽有曲陌陌曲不通驛忽逢二少童扶轡問君宅君宅邯鄲右易憶復可知  
大息組網縵中息珮陸離小息尚青綺總北遊南皮三息俱入門家臣拜門垂  
三息俱升堂旨酒盈千卮三息俱入戶戶內有光儀大婦理金翠中婦事公觴  
小婦獨閑暇調笙遊曲池丈人少徘徊鳳吹方參差

擬明月照高樓



圓魄當虛闥清光流思筵筵思照孤影悽怨還自憐臺鏡早生塵匣琴又無弦  
悲慕屢傷節離憂亟華年君如東博景妾似西柳煙相去既路迴明晦亦殊懸  
願爲銅鐵轡以感長樂前

擬青青河邊草

幕幕繡戶絲悠悠懷昔期昔期久不歸鄉國曠音輝音輝空結遲半寢覺如至  
既寤了無形與君隔平生月以雲掩光葉似霜摧老當途競自容莫肯爲妾道

代蘇屬國婦

良人與我期不謂當過時秋風忽送節白露凝前基愴愴獨涼枕搔搔孤月惟  
或聽西北鴈似從寒海濱果銜萬里書中有生離詞惟言長別矣不復道相思  
胡羊久測奪漢節故支持帛上看未終臉下淚如絲空懷之死誓言遠勞同穴詩

古意二首

飛鳥起離離驚散忽差池嗷嘈繞樹上翩翹集寒枝既悲征役久偏傷龍上兒  
寄言閨中愛此心詎能知不見松上蘿葉落根不移  
當春有一草綠花復重枝云是忘憂物生在北堂垂飛飛雙蛺蝶低低兩差池  
差池低復起此芳性不移飛蝶雙復隻此心人莫知

芳樹

綠樹始搖芳芳生非一葉一葉度春風芳芳自相接色雜亂參差衆花紛重疊  
重疊不可思思此誰能愜

臨高臺

高臺半行雲望望高不極草樹無參差山河同一色騁髣洛陽道道遠難別識  
玉階故情人情來共相憶

有所思

誰言生離久適意與君別衣上芳猶在握裏書未滅膏中雙綺帶寢爲同心結  
常恐所思露瑤華未忍折

紫蘭始萌

種蘭玉臺下氣暖蘭始萌芬芳與時發婉轉迎節生獨使金翠嬌偏動紅綺情  
二遊何足壞一顧非傾城羞將苓芝侶豈畏鴟鳩鳴

織婦

送別出南軒離思沈幽室調梭輟寒夜鳴機罷秋日良人在萬里誰與共成匹  
願得一同光照此憂與疾君情儻未忘妾心長自畢



白露月下圓秋風枝上鮮  
瑤臺雨碧霧瓊幕生紫煙  
妙會非綺節佳期乃良年  
玉壺承夜急蘭膏依曉煎  
昔時悲難越今傷何易旋  
怨咽雙念斷悽草兩情懸  
戲作

宓妃生洛浦遊女出漢陽  
妖閑逾下蔡神妙絕高唐  
縣駒且變俗王豹復移鄉  
況茲集靈異豈得無方將  
長袂必留客清哇咸繞梁  
燕趙羞容止西妲慙芬芳  
徒聞姝可弄定自乏明璫

皇太子聖製樂府三首 簡文

凌晨光景麗倡女鳳樓中  
前瞻削成小傍望卷旌空  
分妝閒淺默鬪繞臉傅斜  
紅張琴未調軫飲吹不全  
終自知心所愛出入仕秦  
宮誰言連伊屈更是莫敖  
通輕輶綴皂蓋飛轡轢雲  
驄金鞍隨繫尾銜瑣映纏  
駿戈鏤荆山玉劍飾丹陽  
銅左把蘇合彈傍持大屈  
弓控弦因鵠血挽強用牛  
螭戈獵多登隴酣歌每入  
豐暉暉隱落日冉冉還房  
櫳鐙生陽燧火塵散鯉魚  
風流蘇時下帳象尊復韜  
筒霧暗窻前柳寒踈井上  
桐女蘿託松際甘瓜蔓井  
東拳拳特君寵歲暮望無窮  
豔歌篇十八韻

銅梁指斜谷劍道望中區  
通星上分野作固為下都  
雅歌因良守妙舞自巴渝  
陽城嬉樂所劍騎鬱鬱相  
趨五婦行難至百兩好游  
娛牲祈望帝祀酒酌蜀侯  
誅江妃納重聘卓女受將  
雛停弦時繫爪息吹更治  
朱春衫湔錦浪回扇避陽  
烏聞君握節反賤妾下城隅  
蜀國弦歌篇十韻

名都多麗質本自恃容姿  
蕩子行未至秋胡無定期  
玉白歇紅臉長鬢串翠睂  
歛鏡迷朝色縫針脆故絲  
本異搖舟咎何關竊席疑  
生離誰撫背溘死詎成遲  
毛嬙白本絕踉蹌入瓊帷  
盧姬嫁日晚非復好年時  
傳山猶可逐烏白望難期  
妾心徒自苦傍人會見嗤  
妾薄命篇十韻

代樂府三首

遙看雲霧中刻楠映丹紅  
珠簾通曉日金花拂夜風  
欲知聲管處來過安樂宮

新成安樂宮

季月雙桐井新枝雜舊株  
晚葉藏棲鳳朝花拂曙烏  
還看西子照銀牀牽鹿盧  
雙桐生空井

閨閑漏永永漏長宵寂寂  
草螢飛夜戶綠蟲繞秋壁  
薄笑未為欣微歎還成戚  
金簪鬢下垂玉箸衣前滴  
楚妃歎



和湘東王橫吹曲三首

洛陽佳麗所大道滿春光遊童初挾彈螿妾始提筐金鞍照龍馬羅袂拂春桑  
玉車爭晚入潘果溢高箱

洛陽道

楊柳亂成絲攀折上春時葉密鳥飛礙風輕花落遲城高短簫發林空畫角悲  
曲中無別意併為久相思

折楊柳

賤妾朝下機正值良人歸青絲懸玉蹬朱汗染香衣驟急珍珂響踣多塵亂飛  
雕胡幸可薦故心君莫違

紫騮馬

雜州十曲抄三首 是襄州

南湖荇葉浮復有佳期遊銀綸翡翠釣玉舳芙蓉舟荷香亂衣麝射橈聲隨  
急流

南湖

岸陰垂柳葉平江含粉堞好值城傍人多逢蕩舟妾綠水濺長袖浮落染

輕楫 北渚

宜城斷中道行旅亟流連出妻工織素妖姬慣數錢吹彫留上客貰酒逐  
神僊

大隄

同庾肩吾四詠二首

采蓮前岸隈舟子屢徘徊荷披衣可識風疎香不來欲知船度處當看荷

葉開 蓮舟買荷度

相隨照綠水意欲重涼風流搖妝影壞釵落鬢華空佳期在何許徒傷心  
不同 照流看落釵

和湘東王三韻二首

花樹含春叢羅幃夜長空風聲隨篠韻月色與池同彩笺徒自製無信往

雲中 春宵

冬朝日照梁含怨下前牀帳褰竹葉帶鏡轉菱花光會是無人見何用早

紅妝 冬曉

戲作謝惠連體十三韻

雜紫映南庭庭中光景媚可憐枝上花早得春風意春風復有情拂幔且開楹  
開楹開碧煙拂幔拂垂蓮偏使紅花散飄颺落眼前眼亦多無況參差鬱鬱可望  
珠繩翡翠帷綺幕芙蓉帳香煙出窗裏落日斜階上日影去遲遲節華咸在茲  
桃花紅若點柳葉亂如絲絲條轉暮光影落暮陰長春鸞雙雙舞春心處處場  
酒滿心聊足萱枝愁不忘



倡婦怨情十二韻

綺窗臨畫閣飛閣繞長廊風散同心草月送可憐光  
髣髴簾中出妖麗特非常  
恥學秦羅髻羞為樓上妝散誕披紅帔生情新約黃  
斜燈入錦帳微煙出玉牀  
六安雙璫瑁八幅兩鴛鴦猶是別時許留致解心傷  
含涕坐度日俄頃變炎涼  
玉關驅夜雪金氣落嚴霜飛狐驛使斷交河川路長  
蕩子無消息朱脣徒自香  
和徐錄事見內人作臥具  
密房寒日晚落照度窗邊紅簾遙不隔輕帷半卷懸  
方知織手製詎減縫裳妍  
龍刀橫斜上畫尺墮衣前尉斗金塗色篋管白身纏  
衣裁合歡禰文作鴛鴦連  
縫用雙針縷絮是八蠶綿香和麗丘蜜鹿射吐中臺煙  
已入琉璃帳兼雜秦率擅  
具共彫鑪暖非同團扇捐更恐從軍別空牀徒自憐

戲贈麗人

麗妲與妖嬈共拂可憐妝同安鬟裏撥異作額間黃  
羅袞宜細簡畫屨重高牆  
含羞未上砌微笑出長廊取花爭閒鐫攀枝念索香  
但歌聊一曲鳴弋未息張  
自矜心所愛三十侍中郎

秋閨夜思

非關長信別詎是良人征九重忽不見萬恨滿心生  
夕門掩魚鑰宵牀悲畫屏  
迴月臨窻度吟蟲繞砌鳴初霜霄細葉秋風驅亂螢  
故妝猶累日新衣製未成  
欲知妾不寐城外擣衣聲

和湘東王名士悅傾城

美人稱絕世麗色譬花叢雖居李城北住在宋家東  
教歌公主第學舞漢成宮  
多遊淇水上好在鳳樓中履高疑上砌裾開持畏風  
衫輕見跳脫珠概雜青蟲  
垂絲繞帷幔落日度房櫳妝窻隔柳色井水照桃紅  
非憐江浦珮羞使春閨空  
從頓暫還城

漢渚水初綠江南草復黃日照蒲心暖風吹梅蕊香  
征艦艤湯暫歸騎息金隍  
舞觀衣常製歌臺弋未張持此橫行去誰念守空牀

詠人棄妾

昔時嬌玉步含羞花燭邊豈言心愛斷銜唬私自憐  
常見歡成怨非關醜易妍  
獨鵠罷中路孤鸞死鏡前

執筆戲書

舞女及燕姬倡樓復蕩婦參差大戾發搖曳小垂手  
鈞竿蜀國彈新城折楊柳



玉案西王桃蠶枯石榴酒甲乙羅帳異平壬房戶暉夜夜有明月時時憐更衣  
豔歌曲  
雲楣桂成戶飛棟杏為梁斜窻通紫氣細隙引塵光裁衣魏后尺汲水淮南林  
青驪暮當反預使羅裾香

怨

秋風與白團本自不相安新人及故愛意氣豈能寬黃金肘後鈴白玉案前盤  
誰堪空對此還成無歲寒

擬沈隱侯夜夜曲

藹藹夜中霜何關向曉光枕曉常帶粉身眠不著牀蘭膏盡更盡薰鑪滅復香  
但問愁多少便知夜短長

七夕

秋期此時淡長夜徙河靈紫煙凌鳳羽奔光隨玉輶洛陽疑劍氣成都怪客星  
天梭織來久方逢今夜停

同劉諮議詠春雪

晚霰飛銀礫浮雲暗未開入池消不積因風隨復來思婦流黃素溫姬玉鏡臺

看花言可插定自非春梅

晚景出行

細樹含殘影春閨散晚香輕花鬢邊墮微汗粉中光飛鳧初罷曲曉鳥忽度行  
羞令白日暮車馬鬱鬱相望

賦樂府得大垂手

垂手忽若若飛鸞掌中嬌羅衣恣風引輕帶任情搖詎似長沙地促舞不回胷

賦樂器名得箜篌

振遲初挑吹弄急時催舞釧響音逐弦鳴私回半障柱欲知心不平君看黛眉聚

詠舞

可憐初二八逐節似飛鴻懸勝河陽妓闈與淮南同行看履進轉面望髮空  
腕動若華玉袖隨如意風上客何須起曉鳥曲未終

春閨情

楊柳葉纖纖佳人嬾織練正衣還向鏡迎春試舉簾摘梅多繞樹覓鸞好窺檐  
只言逐花草計枝應非嫌

又三韻



珠簾向暮下妖姿不可追花風暗裏覺蘭燭帳中飛何時玉窗裏夜夜更縫衣  
率尔為詠

借問僊將畫詎有此佳人傾城且傾國如雨復如神漢后憐名鸞周王重姓申  
挾瑟曾遊趙吹簫屢入秦王階偏望樹長廊每逐春約黃出意巧纏弱用法新  
迎風時引袖避日暫披巾踈花映鬢插細珮繞衫身誰知日欲暮含羞不自陳  
美人晨妝

北窗向朝鏡錦帳復斜紫嬌羞不肯出猶言妝未成散黛隨眉廣燕脂逐臉生  
試將持出眾定得可憐名

賦得詠當鑪

十五正團團流光滿上蘭當鑪設夜酒宿客解金鞍迎來挾瑟易送別但歌難  
詎知心恨急翻令衣帶寬

林下妓

炎光向夕斂促宴臨前池泉深影相得花與面相宜篋聲如鳥哢舞袂寫風枝  
歡樂不知醉千秋長若斯

擬落日窗中坐

杏梁斜日照餘暉映美人開山脫寶釧向鏡理紈巾游魚動池葉舞鶴散階塵  
空嗟千歲久願得及陽春

美人觀畫

殿上圖神女宮裏出佳人可憐俱是畫誰能辨偽真分明淨眉眼一種細膏身  
所可持為異長有好精神

變童

變童嬌麗質賤董復超瑕羽帳晨香滿珠簾夕漏餘翠被含鴛色雕牀鏤象牙  
妙年同小史姝貞比朝霞袖裁連璧錦笈織細檀花攬袴輕紅出回頭雙鬢斜  
嬾眼時含笑玉手乍攀花懷猜非後釣密愛似前車足使燕姬妒彌令鄭女嗟

邵陵王綸代秋胡婦閨怨

蕩子從遊宦思妾守房櫳塵鏡朝朝掩寒牀夜夜空若非新有悅何事久西東  
知人相憶否淚盡癡啼中

車中見美人

關情出眉眼軟媚著膏支語笑能嬌媿行步絕逶迤空中自迷惑渠傍會不知  
懸念猶如此得時應若為



代舊姬有怨

寧為萬里別乍此死生離那堪眼前見故愛逐新移未展春光落遽被秋風吹  
怨黛舒還歛唬妝拭更垂誰能巧為賦黃金妾自貲

湘東王繹登顏園故閣

高樓三五夜流影入丹墀先時留上客夫婿美容姿妝成理蟬鬢笑罷斂娥眉  
衣香知步近釧動覺行遲如何舞館樂翻見歌梁悲猶懸北窗橫未卷南軒帷  
寂寂空郊暮非復少年時

戲作豔詩

入堂值小婦出門逢故夫含辭未及吐紋袖且峙嶂搖茲扇似月掩此淚如珠  
今懷固無已故情今有餘

夜遊栢齋

燭暗行人靜簾開雲影入風細雨聲遲夜短更籌急能下班姬淚復使倡樓泣  
況此客遊人中宵空佇立

和劉上黃

新鶯隱葉轉新鶯向窻飛柳絮時依酒梅花乍入衣玉珂逐風度金鞍映日暉

無令春色晚獨望行人歸

詠晚棲鳥

日暮連翩翼俱向上林棲風多前鳥駛雲暗後羣迷路遠聲難徹飛斜行未齊  
應從故鄉返幾過入蘭閨借問倡樓妾何如蕩子妻

寒宵三韻

烏鵲夜南飛良人行未歸池水浮明月寒風送擣衣願織回文錦因君寄武威

詠秋夜

秋夜九重空蕩子怨房櫳燈光入綺帷簾影進屏風金徽調玉軫茲夜撫離鴻

武陵王紀同蕭長史看妓

燕姬奏妙舞鄭女發清歌回羞出慢臉送態入嚙蛾寧殊值行雨詎減見凌波  
想君愁日暮應羨魯陽戈

和湘東王夜寢應令

昨夜寢君歸賤妾下鳴機懸知君意薄不著去時衣故言如寢裏賴得鴈書飛

曉思

晨禽爭學轉朝花亂欲開鑪煙入斗帳屏風隱鏡臺紅妝隨淚盡蕩子何時回



閨妾寄征人

歛色金星聚紫悲玉筋流願君看海氣憶妾上高樓

目作三首此首疑衍

玉臺新詠卷第七

*(Faint bleed-through text from the reverse side of the page)*

玉臺新詠卷第八

蕭子顯雜詩二首

劉遵雜詩二首

劉孝威雜詩三首

劉緩雜詩四首

庾信雜詩三首

聞人蒨春日首

湯僧濟雜詩一首

蕭子顯樂府二首

大明上茗茗陽城射凌霄光照窗中婦絕世同阿嬌明鏡盤龍刻簪羽鳳皇雕凌  
迤梁家騁丹羽楚宮膏輕紵雜重錦薄縠閒飛綃三六前年暮四五年今朝蠶園  
拾芳繭桑陌采柔條出入東城里上下洛西橋忽逢車馬客飛蓋動襜輅單衣鼠  
毛織寶劍羊頭銷丈夫疲應對御者輟銜鑣柱間徒脉脉垣上幾翹翹女本西家  
宿君自上宮要漢馬三萬匹夫婿仕嫖姚鞞囊虎頭綬左珥冕盧貂橫吹龍鐘管  
奏鼓象身簫十五張內侍六賈登朝皆笑顏郎尤盡訝董公超 日出東南隅行

王筠和吳主簿六首

王訓奉和率尔有詠一首

徐君蒨雜詩二首

鄧鏗雜詩二首

劉邈雜詩四首

徐孝穆雜詩四首

徐悝妻雜詩一首

劉孝綽雜詩五首

庾肩吾雜詩七首

鮑泉雜詩二首

甄固奉和世子春情一首

紀少瑜雜詩三首

吳孜雜詩一首

王叔英妻雜詩一首



邯鄲暫輟舞巴姬請罷弦佳人淇浦上豔趙復傾燕繁穠既為李照水亦成蓮  
朝沽成都酒暝數河閒錢餘光幸未借蘭膏空自煎 代樂府美女篇

玉筠和吳主簿六首

日照鴛鴦殿萍生鴈鷺池遊塵隨影入弱柳帶風垂青散逐黃昏獨鶴慘羈雌  
同衾遠遊說結愛久生離於今方溘死寧須萱草枝

卷菴心未發靡蕪葉欲齊春蠶方曳緒新鸞正銜泥野雉呼雌雉庭禽挾子棲  
從君客梁後方書掩春閨山川隔道里芳草徒萋萋 春月二首

九重依夜管四壁慘無暉招搖顧西落烏鵲向東飛流螢漸收火絡緯欲催機  
爾時思錦字持製行人衣所望丹心達嘉客儻能歸

露華初泥泥桂枝行棟棟殺氣下重軒輕陰滿四屋別寵增脩夜遠征悲獨宿  
愁縈翠羽眉淚滿橫波目長門絕往來含情空杼軸 秋夜二首

落日照紅妝挾瑟當窗牖寧復歌靡蕪惟聞歎楊柳結好在同心離別由眾口  
徒設露葵羨誰酌蘭英酒會日杳無期薜蘿安得久

相思不安席聊至狹邪東愁眉做戚里高髻學城中雙眉偏照日獨蕊系好縈風  
自陳心所想獻賦甘泉宮傳聞方鼎食詎憶春閨中 遊望二首

劉孝綽遙見隣舟主人投一物眾姬爭之有客請余為詠

河流既浼浼河鳥復關關落花浮浦出飛雉度州還此日倡家女競嬌桃李顏  
良人惜美珥欲以代芳管新練疑故素盛趙蔑衰班曳綃事掩鼓搖珮奪鳴環  
客心空振蕩高枝不可攀

淇上人戲蕩子婦示行事一首

桑中始奕奕淇上未湯湯美人要雜珮上客誘明璫日闇人聲靜微步出蘭房  
露葵不待勸鳴琴無暇張翠釵挂已落羅衣拂更香如何嫁蕩子春夜守空牀  
不見青絲騎徒勞紅粉妝

賦詠得照基燭刻五分成

南皮弦吹罷終亦且留賓日下房櫳閣華燭命佳人側光全照局回花半隱身  
不辭纖手卷羞令夜向晨

夜聽妓賦得烏夜啼

鷓鴣且輟弄鶴操暫停徽別有啼鳥曲東西相背飛倡人怨獨守蕩子遊未歸  
若逢生離曲長夜泣羅衣

賦得遺所思



遺簪雕瑤瑁贈綺織鴛鴦未若華滋樹文枝蕩子房別前秋已落別後春更芳  
所思不可寄惟憐盈袖香

劉遵繁華應令

可憐周小童微笑摘蘭叢鮮膚勝粉白慢臉若桃紅挾彈雕陵下垂釣蓮葉東  
腕動飄香麝衣輕任好風幸承拂枕選得奉畫堂中金屏障翠被藍帕覆薰籠  
本欲傷輕薄含辭羞自通剪袖恩雖重殘桃愛未終蛾眉詎須嫉新妝遞入宮

從頓還城應令

漢水淡難渡深潭見底清錦笳繫見舸珠竿懸翠旂鳴笳芳樹曲流唱采蓮聲  
神遊不停駕日暮反連營寧顧空房裏階上綠苔生

王訓奉和率尔有詠

殿內多僂女從來難比方別有當窗豔復是可憐妝學舞勝飛鸞染粉薄南陽  
散黃分黛色薰衣雜素香簡釵新轅翠試履逆填牆一朝侍容色非復守空房  
君恩若可恃願作雙鴛鴦

庾肩吾詠得有所思

佳期竟不歸春物坐芳菲拂匣看離扇開箱見別衣井桐生未合宮槐卷復稀

不及銜泥鸞從來相逐飛

詠美人自看畫應令

欲知畫能巧喚取真來映並出似分身相看如照鏡安釵等疎密著領俱周正  
不解平城圍誰與丹青競

賦得橫吹曲長安道

桂宮連複道黃山開廣路遠聽平陵鐘遙識新豐樹合殿生光彩離宮起煙霧  
日落歌吹還塵飛車馬度

南苑還看人

春花競玉顏俱折復俱攀細胷宜窄衣長釵巧挾鬟洛橋初度燭青門欲上關  
中人應有望上客莫前還

送別於建興苑相逢

相逢小苑北停車問苑中梅新雜柳故粉白映綸紅去影背斜日香衣臨上風  
雪流階漸黑冰開池半通去馬船難駐嘯鳥曲未終眷然從此別車西馬復東

和湘東王二首

征人別未久年芳復臨牖燭下夜縫衣春寒偏著手願及歸飛鴈因書寄



高柳 應令春宵

隣鷄聲已傳愁人音不眠月光侵曙後霜明落曉前  
紫鬢起照鏡誰忍插花鈿 應令冬曉

劉孝威侍宴賦得龍沙宵月明

鵲飛空繞樹月輪殊未圓常娥望不出桂枝猶隱殘  
落照移樓影浮光動暫瀾 欵眉雖不樂舞劍強為歡  
請謝函關吏行當泥一瓦

奉和湘東王應令冬曉

妾家邊洛城慣識曉鐘聲鐘聲猶未盡漢使報應行  
天寒硯水凍心悲書不成

郟縣遇見人織率尔寄婦

妖姬含怨情織素起秋聲度梭環玉動踏躡珮珠鳴  
經稀疑杼澀緯斷恨絲輕 蒲桃始欲罷鴛鴦猶未成  
雲棟共徘徊紗窗相向開窻踈眉語度紗輕眼笑來  
矐矐隔淺紗的的見妝華鏤玉同心萬列寶連枝花  
紅衫向後結金篦臨鬢斜 機頂挂流蘇機傍垂結珠  
青絲引伏兔黃金繞鹿盧豔彩裾邊出芳脂口上渝  
百城交問道五馬共峙嶠直為閨中人守故不要新  
寢曉漬花枕覺淚濕羅巾

獨眠真自難重衾猶覺寒逾憶凝脂暖彌想橫陳歡  
行驅金絡騎歸就城南端 城南稍有期想子亦勞思  
羅襦久應罷花釵堪更治新妝莫點黛余還自畫眉

徐君舊共內人夜坐守歲

歡多情未極賞至莫停杯酒中批喜子粽裏覓楊梅  
簾開風入帳燭盡炭成灰 勿疑鬢釵重為待曉光來

初春攜內人行戲

梳飾多今世衣著一時新草短猶通屨梅香漸著人  
樹斜牽錦帔風橫入紅綸 滿酌蘭英酒對此得娛神

鮑泉南苑看遊者

洛陽小苑地車馬盛經過緣溝駐行憶傍柳轉鳴珂  
履高含鄉音珮襪輕半隱羅 浮雲無處所何用轉橫波

落日看還

妖姬競早春上苑逐名辰落輕變水色霞濃掩日輪  
雕甍斜落影畫扇拂遊塵 衣香遙已度衫紅遠更新  
誰家蕩舟妾何處織練人

劉緩敬訓劉長史詠名士悅傾城



不信巫山女不信洛川神何關別有物還是傾城人經共陳王戲曾與宋家隣  
未嫁先名玉來時本姓秦粉光猶似面朱色不勝唇遙見疑花叢聞香知異春  
釵長逐髮髮小襦要身夜夜言嬌盡日態還新工傾荀奉倩能迷石季倫  
上客徒留目不見正橫陳

雜詠和湘東王三首

別後春池異荷盡欲生冰箱中剪刀冷臺上面脂凝纖膏轉無力寒衣恐  
不勝

寒閨

樓上起秋風絕望秋閨中燭溜花行滿香燃燄欲空徒交兩行淚俱浮妝  
上紅

秋夜

不堪寒夜久夜夜守空牀衣裾逐坐攝釵影近鏡長無憐四幅錦何須辟  
惡香

冬宵

鄧鏗和陰梁州雜怨

別離雖未久遂如長別離叢桂頻銷葉庭樹幾攀枝君言妾貞改妾畏君心移  
終須一相見併得兩相知

奉和夜聽妓聲

燭華似明月鬢影勝飛橋妓兒齊鄭舞爭妍學楚要新歌自作曲舊瑟不須調  
衆中俱不笑座上莫相撩

甄固奉和世子春情

昨晚褰簾望初逢雙鸞歸今朝見桃李不啻數花飛以愁春欲度無復寄芳菲

庾信奉和詠舞

洞房花燭明燕餘雙舞輕頓履隨踈節低鬟逐上聲半轉行初進飄衫曲未成  
回鸞鏡欲滿鵲顧市應傾已曾天上學詎似世中生

七夕

牽牛遙映水織女正登車星橋通漢使機石逐僊槎隔河相望近經秋離別賒  
愁將今夕恨復著明年花

仰和何僕射還宅懷故

紫閣旦朝罷中臺文奏稀無復千金笑徒勞五音歸步檐朝未掃蘭房晝掩扉  
落生理曲處網積回文機故瑟餘弦斷歌梁秋鸞飛朝雲雖可望夜帳定難依  
願憑甘露入方假慧燈輝寧知洛城晚還淚獨霑衣

劉邈萬山見采桑人



倡妾不勝愁結束下青樓逐伴西蠶路相攜東陌頭葉盡時移樹枝高乍易鉤  
絲繩挂且脫金籠寫復收蠶飢日已暮詎爲使君留

見人織聊爲之訊

纖纖運玉指脉脉正蛾眉振躡開文縷停梭續斷絲檐花照初月洞戶未垂帷  
弄機行掩淚翻令織素遲

秋閨

螢飛綺窗外妾思霍將軍燈前量獸錦檐下織花紋墜露如輕雨長河似薄雲  
秋還百種事衣成未暇薰

鼓吹曲 折楊柳

高樓十載別楊柳擢絲枝摘葉驚開駛攀條恨久離年年阻音信月月減容儀  
春來誰不望相思君自知

紀少瑜建興苑

丹陵抱天邑紫淵更上林銀臺懸百仞玉樹起千尋水流冠蓋影風揚歌吹音  
峙嶂憐拾翠顧步惜遺簪日落庭花轉方憶屢移陰終言樂未極不道愛黃金  
擬吳均體應教

庭樹發春輝遊人競下機却匣擊歌扇開箱擇舞衣桑萎不復惜看光遽將夕  
自有專城居空持迷上客

春日

愁人試出牖春色定無窮參差依網日澹蕩入簾風落花還繞樹輕飛去隱空  
徒令玉筯迹雙垂明鏡中

聞人舊春日

高臺動春色清池照日華綠葵向光轉翠柳逐風斜林有驚鳥心鳥園多奪目花  
相與咸知節歎子獨離家人今不返何勞空折麻

徐孝穆走筆戲書應令

此日乍殷勤相嫌不如春今宵花燭淚非是夜迎人舞席秋來卷歌筵無數塵  
曾經新代故那惡故迎新片月窺花簾輕寒入被巾秋來應瘦盡偏自著罽身

奉和詠舞

十五屬平陽因來入建章王家能教舞城中巧旦妝低鬟向綺席舉袖拂花黃  
燭送窻邊影衫傳鈴裏香當關好留客故作舞衣長

和王舍人送客未還閨中有望



倡人歌吹罷對鏡覽紅顏拭粉留花補除釵作小鬟綺燈停不滅高扉掩未關  
良人在何處惟見月光還

為羊兗州家人答鮑鏡

信來贈寶鏡亭亭似圓月鏡久自踰明人久情踰歇取鏡挂空臺於今莫復開  
不見孤鸞鳥亡魂何處來

吳孜春閨怨

玉關信使斷借問不相語春光太無意窺窗來見參久與光音絕忽值日東南  
柳枝皆鶻鴛桑葉復催蠶物色頓如此孀居自不堪

湯僧濟詠淝井得金釵

昔日倡家女摘花露井邊摘花還自插照井還自憐窺窺終不罷笑笑自成妍  
寶釵於此落從來不憶年翠羽成泥去金色尚如先此人今不在此物今空傳

徐悱妻劉氏和婕妤怨

日落應門閉愁思百端生況復昭陽近風傳歌吹聲寵移終不恨讒枉太無情  
只言爭分理非妒舞翬輕

王叔英妻劉氏和昭君怨

一生竟何定萬事良難保丹青失舊圖玉匣成秋草相接舜關淚至今猶未燥  
漢使汝南還躬勤為人道

玉臺新詠卷第八



玉臺新詠卷第九

歌辭二首

烏孫公主歌詩一首

張衡四愁詩四首

曹植樂府妾薄命行首

晉惠帝時童謠歌一首

釋寶月行路難一首

吳均行路難二首

皇太子聖製二十六首

王筠行路難一首

徐君倩別義陽郡詩二首

王叔英妻贈荅一首

東飛伯勞西飛鸞黃姑織女時相見誰家女兒對門居開華發色照里閭南窻  
北牖挂明光羅帷綺帳脂粉香女兒年幾十五六窈窕無雙顏如玉三春已暮  
花從風空留可憐與誰同

越人歌一首

漢成帝時童謠歌二首

秦嘉四言贈婦詩一首

傅玄雜詩五首

陸機樂府燕歌行一首

陸厥李夫人及貴人歌一首

張率雜詩四首

湘東王繹七言春別應令四首蕭子顯雜詩七首

劉孝綽元廣州景仲座見故姬一首劉孝威擬古應令一首

王叔英妻贈荅一首

沈約古詩題六首

司馬相如琴歌二首

漢桓帝時童謠歌二首

魏文帝樂府燕歌行二首

張載擬四愁詩四首

鮑照雜詩八首

沈約雜詩八詠四首六首在卷末

費昶行路難二首

蕭子顯雜詩七首

劉孝威擬古應令一首

沈約古詩題六首



河中之水向東流洛陽女兒名莫愁莫愁十三能織綺十四采桑南陌頭十五  
嫁爲盧家婦十六生兒字阿侯盧家蘭室桂爲梁中有鬱金蘇合香頭上金釵  
十二行足下綵履五文章珊瑚挂鏡爛生光平頭奴子提履箱人生富貴何所  
望恨不嫁與東家王

越人歌一首并序

楚鄂君子脩者乘青翰之舟張翠羽之蓋榜拽越人悅之權楫而越歌以感鄂  
君歡然舉繡被而覆之其辭曰

今夕何夕塞舟中流今日何日與王子同舟山有木兮木有枝心悅君兮君不知  
司馬相如琴歌二首并序

司馬相如遊臨邛富人卓王孫有女文君新寡竊於壁間窺之相如鼓琴歌挑之曰  
鳳兮鳳兮歸故鄉遨遊四海求其皇時未通遇無所將何悟今夕昇斯堂有豔  
淑女在此方室迹人遐獨我腸何緣交頸爲鴛鴦

皇兮皇兮從我棲得託字尾永爲妃文情通體心和諧中夜相從知者誰雙興  
俱起翻高飛無感我心使予悲

烏孫公主歌詩一首并序

漢武元封中以江都王女細君爲公主嫁與烏孫昆弥至國而自治室宮歲時  
一再會言語不通公主悲愁自作歌曰  
吾家之嫁我兮天一方遠託異國兮烏孫王穹廬爲室兮甌爲牆肉爲食兮酪  
爲漿常思漢土兮心內傷願爲飛黃鵠兮還故鄉

漢成帝時童謡歌二首并序

漢成帝趙皇后名飛鸞寵幸冠於後宮常從帝出入時富平侯張放亦稱佞幸  
爲期門之遊故歌云張公子時相見也飛鸞嬌妒成帝無子故云啄皇孫萃而  
不實王莽自云代漢者德土色尚黃故云黃雀飛鸞音以廢死故爲人所憐者也  
鸞鸞尾殿殿張公子時相見木門蒼狼根鸞飛來啄皇孫  
桂樹華不實黃雀巢其顛昔爲人所羨今爲人所憐

漢桓帝時童謡歌二首

大麥青青小麥枯誰當穫者婦與姑丈夫何在西擊胡吏買馬君具車請爲諸  
君鼓隴胡

城上烏尾畢逋公爲吏兒爲徒一徒死百乘車車班班至河間至河間姪女能  
數錢錢爲室金爲堂戶上春曉梁曉梁之下有懸鼓我欲擊之丞相怒



張衡四愁詩四首

一思曰我所思兮在大山欲往從之梁甫艱側身東望涕霑翰美人贈我金錯  
刀何以報之英瓊瑤路遠莫致倚逍遙何爲懷憂心煩勞  
二思曰我所思兮在桂林欲往從之湘水深側身南望涕霑衿美人贈我琴琅  
玕何以報之雙玉盤路遠莫致倚惆悵何爲懷憂心煩快  
三思曰我所思兮在漢陽欲往從之隴阪長側身西望涕霑裳美人贈我貂襜  
褕何以報之明月珠路遠莫致倚峙嶠何爲懷憂心煩紆  
四思曰我所思兮在鴈門欲往從之雪紛紛側身北望涕霑巾美人贈我錦繡  
段何以報之青玉案路遠莫致倚增歎何爲懷憂心煩惋

秦嘉贈婦詩一首四言

曖曖白日引曜西傾啾啾鷄雀羣飛赴楹皎皎明月煌煌列星嚴霜悽愴飛雪  
覆庭寂寂獨居寥寥空室飄飄帷帳熒熒華燭尔不是居帷帳焉施尔不是照  
華燭何爲

魏文帝樂府燕歌行二首

秋風蕭蕭悲天氣涼草木搖落露爲霜羣鸞辭歸鴈南翔念君客遊多思腸慊慊

思歸戀故鄉君爲淹留寄他方賤妾煢煢守空房憂來思君不可忠不覺淚下  
霑衣裳援琴鳴弦發清商短歌微吟不能長明月皎皎照我牀星漢西流夜未  
央牽牛織女遙相望尔獨何幸限河梁

別日何易會日難山川悠遠路漫漫鬱鬱陶思君未敢言寄聲浮雲往不還涕零  
雨面毀容顏誰能懷憂獨不歎展詩清歌聊自寬樂往哀來摧肺肝耿耿伏枕  
不能眠披衣出戶步東西仰看星月觀雲間飛鶴晨鳴聲可憐留連顧懷不能存

曹植樂府妾薄命行一首六言

日月既是西藏更會蘭室洞房華燈步障舒光皎若日出樽桑促樽合坐行觴  
主人起舞溢盤能者冗觸別端騰觚飛爵闌干同量等色齊顏任意友屬所歡  
朱顏發外形蘭袖隨禮容極情妙舞仙仙體輕裳解履遺絕纓俛仰笑喧無呈  
覽持佳人玉顏齊接金爵翠盤手形羅袖良難腕弱不勝珠環坐者歎息舒顏  
御巾裛粉君傍中有霍納都梁雞舌五味雜香進者何人齊姜恩重愛深難忘  
召延親好宴私但歌梧來何遲客賦既醉言歸主人稱露未晞

傅玄擬北樂府三首

歷九秋兮三春分遣貴客兮遠賓顧多君心所親乃命妙妓才人炳若日月星



辰其序金罍兮玉觴賓主遞起鴈行梧若飛雷絕光交觴接卮結裳慷慨歡笑  
 萬方其奏新詩兮夫君爛然虎變龍文渾如天地未分齊謳楚舞紛紛歌聲上  
 激青雲其窮音兮異倫奇聲靡靡每新微笑素齒丹脣逸鄉音飛薄梁塵精爽  
 眇眇入神其坐咸醉兮沾歡引樽促席臨軒進爵獻壽翻翻千秋要君一言願  
 愛不移若山其君恩愛兮不竭譬言若朝日夕月此景萬里不絕長保初醮結髮  
 何憂坐生胡越其攜弱手兮金鑲上遊飛閣雲間穆若鴛鳳雙鸞還幸蘭房自  
 安娛心極樂難原其樂既極兮多懷盛時忽逝若積寒暑革御景回春榮隨風  
 飄摧感物動心增哀其妾受命兮孤虛男兒墮地稱妹女弱難存若無骨肉至  
 親更疏奉事他人託軀其君如影兮隨形賤妾如水浮萍明月不能常盈誰能  
 無根保榮良時冉冉代征其顧繡領兮含暉皎日回光側微朱華忽尔漸衰影  
 欲捨形高飛誰言往恩可追其薺與麥兮夏零蘭桂踐霜逾馨祿命懸天難明  
 委心結意丹青何憂君心中傾其  
 歷九秋篇 董桃行  
 車遥遥兮馬洋洋追思君兮不可忘君安遊兮西入秦願為影兮隨君身君在  
 陰兮影不見君依光兮妾所願  
 車遥遥篇  
 燕人美兮趙女佳其室則迺兮限層崖雲為車兮風為馬玉在山兮蘭在野雲

無期兮風有止思心多端兮誰能理

燕人美篇

擬四愁詩四首并序

昔張平子作四愁詩體小而俗七言類也聊擬而作之名曰擬四愁詩其辭曰  
 我所思兮在瀛州願為雙鵠戲中流牽牛織女期在秋山高水深路無由愁余  
 不遣嬰躬憂佳人貽我明月珠何以要之比目魚海廣無舟悵勞劬寄言飛龍  
 天馬駒風起雲披飛龍逝驚波滔天馬不厲何為多念心憂世其  
 我所思兮在珠崖願為比翼浮清池剛柔合德配二儀形影一絕長別離愁余  
 不遣情如攜佳人貽我蘭蕙草何以要之同心鳥火熱水淡憂盈抱申以琬琰  
 夜光寶下和既沒玉不察存若流光忽電滅何為多念獨盪結其  
 我所思兮在崑山願為鹿麇闕虞淵日月回曜照景天參辰曠隔會無緣愁余  
 不遣罹百艱佳人貽我蘇合香何以要之翠鴛鴦懸度弱水川無梁申以錦衣  
 文繡裳三光騁邁景不留鮮矣民生忽如浮何為多念祗自愁其  
 我所思兮在朔方願為飛鴈俱南翔煥平人道著三光胡越殊心生異鄉愁余  
 不遣罹百缺佳人貽我羽葆纓何以要之影與形增冰憂結繁華零申以日月  
 指明星星辰有豎羽日月移駑馬哀鳴慙不馳何為多念徒自虧其



盤中詩一首

山樹高鳥鳴悲泉水深鯉魚肥空倉雀常苦飢吏人婦會夫希出門望見白衣  
謂當是而更非還入門中心悲北上堂西入階急機絞杼聲催長歎息當語誰  
君有行妾念之出有日還無期結中帶長相思君忘妾天知之妾忘君罪當治  
妾有行宜知之黃者金白者玉高者山下者谷姓為蘇字伯玉作人才多智謀  
足家居長安身在蜀何惜馬蹏歸不數羊肉千斤酒百斛令君馬肥麥與粟今  
時人智不足與其書不能讀當從中央周四角

張載擬四愁詩四首

我所思兮在南巢欲往從之巫山高登崖遠望涕泗交我之懷矣心傷勞佳人  
遺我筒中布何以贈之流黃素願因飄風超遠路終然莫致增想慕其  
我所思兮在朔濱欲往從之白雪霏登崖永眺涕泗積我之懷矣心傷悲佳人  
遺我雲中翮何以贈之連城壁願因歸鴻起遐隔終然莫致增永積其  
我所思兮在隴原欲往從之隔泰山登崖遠望涕泗連我之懷矣心傷煩佳人  
遺我雙角端何以贈之雕玉環願因行雲超重巒終然莫致增永歎其  
我所思兮在營州欲往從之路阻脩登崖遠望涕泗流我之懷矣心傷憂佳人

遺我綵綺琴何以贈之雙南金願因流波超重溪終然莫致增永吟其

晉惠帝時童謠歌一首

鄴中女子莫千妖前至三月抱胡賈

陸機樂府燕歌行一首

四時代序逝不追寒風習習落葉飛蟋蟀在堂露盈階念君遠遊常苦悲君何  
緬然久不歸賤妾悠悠心無違白日既沒明燈輝寒禽赴林匹鳥棲雙鳩關關  
宿河濱憂來感物涕不晞非君之念思為誰別日何早會何遲

鮑昭代淮南王二首

淮南王好長生服食鍊氣讀僊經琉璃藥盃牙作盤金鼎玉匕合神丹合神丹  
戲紫房紫房彩女弄明璫鸞歌鳳舞斷君腸  
朱城九門門九開願逐明月入君懷入君懷結君珮怨君恨君恃君憂築城思  
堅劍思利同盛同衰莫相棄

代白紵歌辭二首

朱脣動素腕舉洛陽少童邯鄲女古稱綠水今白紵催弦急管為君舞窮秋九  
月荷葉黃北風驅鴈天雨霜夜長酒多樂未央



春風澹蕩使思多天色淨綠氣妍和桃含紅萼蘭紫身朝日灼爍葭園花卷橫  
結帷羅玉筵齊謳秦吹盧女弦千金顧笑買芳年

行路難四首

中庭五株桃一株先作花陽春妖冶二三月從風簸蕩落西家西家思婦見之  
惋零淚霑衣撫心歎初送我君出戶時何言淹留節回換牀席生塵明鏡垢纖  
骨瘦削髮蓬亂人生不得常稱意惆悵徒倚至夜半

劉蕤染黃絲黃絲歷亂不可治昔我與君始相值爾時自謂可君意結帶與我  
言死生好惡不相置今日見我顏色衰意中錯漠與先異還君玉釵瑇瑁簪不  
忍見之益悲思

奉君金卮之酒盃瑇瑁玉匣之雕琴七彩芙蓉之羽帳九華蒲萄之錦衾紅顏  
零落歲將暮寒花宛轉時欲沈願君裁悲且滅思聽我抵節行路吟不見柏梁  
銅雀上寧聞古時清吹音

璿閨玉墀上椒閣文窗繡戶垂綺幕中有一人字金蘭被服織羅蕙芳藿春鸞  
羞池風散梅開帷對影弄禽雀含歌攬淚不能言人生幾時得爲樂寧作野中  
雙飛鳧不願雲間別翅鶴

釋寶月行路難一首

君不見孤鴈關外發酸嘶度楊越空城客子心腸斷幽閨思婦氣欲絕凝霜夜  
下拂羅衣浮雲中斷開明月夜夜遙遙徒相思年年望望情不歇寄我匣中青  
銅鏡倩人爲君除白髮行路難行路難夜聞南城漢使度使我流淚憶長安

陸厥李夫人及貴人歌一首

屬車挂席塵豹尾香煙滅彤殿向靡蕪青蒲復委絕坐委絕對靡蕪臨丹階泣  
椒塗寡鶴羈雌飛且上雕梁翠壁網蜘蛛洞房明月夜對此淚如珠

沈約八詠二首六首在卷末

望秋月秋月光如練照曜三靈臺徘徊九華殿九華瑤瑁梁華棖與壁璫以茲  
雕麗色持照明月光疑華入黼帳清暉懸洞房先過飛鸞戶却照班姬牀桂宮  
裊裊落桂枝露寒淒淒凝白露上林晚葉颯颯鳴鴈門早鴻離離度湛秀質兮  
似規委清光兮如素照愁軒之蓬影映金階之輕步居人臨此笑以歌別客對  
之傷且暮經衰圃映寒叢凝清夜帶秋風隨庭雪以偕素與池荷而共紅臨玉  
墀之皎皎含霜霽之濛濛轡天衢而徒步轢長漢而飛空隱巖崖而半出隔帷  
橫而纔通散朱庭之奕奕入青瑣而玲瓏閉階悲寡鵠沙洲怨別鴻昭姬泣胡



殷明君思漢宮余亦何爲者淹留此山東

望秋月

臨春風春風起春樹遊絲暖如網落花零似霧先泛天淵池還過細柳枝  
逢飛揚颺鶯值羽差池揚桂旆動芝蓋開燕裾吹趙帶趙帶飛參差燕裾合  
且離回簪復轉黛顧步惜容儀容儀已炤灼春風復回薄氛氳桃李花青柑  
含素華既爲風所開復爲風所落搖綠帶杭紫莖舞春雪雜流鶯曲房開兮  
金鋪響金鋪響兮妾思驚梧桐未陰淇川如碧迎行雨於高唐送歸鴻於碣  
石經洞房響紵素感幽閨思惟帝想芳園可以遊念蘭麝兮漸堪摘拂明鏡  
之冬塵解羅衣之秋袞既鏗鏘以動珮又氛氳而流鹿射始搖蕩以入閨終徘徊  
而緣隙鳴珠簾於繡戶散芳塵於綺席是時悵思婦安能久行役佳人不  
在茲春風爲誰惜

臨春風

春日白紵曲一首

蘭葉參差桃半紅飛芳舞穀戲春風翡翠羣飛飛不息願在雲間長比翼

秋日白紵曲一首

白露欲凝草已黃金瑄玉柱響洞房雙心一影俱回翔吐情寄君君莫忘

吳均行路難二首

君不見上林苑中客冰羅霧縠象身席盡是得意忘言者探腸見膽無所惜  
酒甜鹽甘如乳綠觴皎鏡華如珀少年持名不肯嘗安知白駒應過隙博山鑪  
中百和香鬱金蘇合及都梁逶迤好氣佳容貞經過青瑣歷紫房已入中山陰  
后帳復上皇帝班姬林班姬失寵顏不開奉帚供養長信臺日暮耿耿不能寐  
秋風切切四面來玉階行路生細草金鑪香炭變成灰得意失意須臾頃非君  
方寸逆所裁

洞庭水上株桐經霜觸浪困嚴風昔時搯心曜白日今且臥死黃沙中洛陽  
名工見咨嗟一剪一刻作琵琶白壁規心學明月珊瑚映面作風花帝王見賞  
不見忘提攜把握登建章掩抑摧藏張女彈躬勤促柱楚明光年年月月對君  
子遙遙夜夜宿未央未央彩女弄鳴篳爭見拂拭生光儀菜萸錦衣玉作匣安  
念昔日枯樹枝不學衡山南嶺桂至今千年猶未知

張率擬樂府長相思二首

長相思久離別美人之遠如雨絕獨延佇心中結望雲去去遠望鳥飛飛滅空  
望終若斯珠淚不能雪  
長相思久別離所思何在若天垂鬱鬱陶相望不得知玉階月夕映羅帷羅帷風



夜吹長思不能寢坐望天河移

白紵歌辭二首

歌兒流唱聲欲清舞女趁節體自輕歌舞並妙會人情依弦度曲婉盈盈揚蛾  
為態誰自成

妙聲屢唱輕體飛流津染面散芳菲俱動齊息不相違令彼嘉客澹忘歸時久  
翫夜明星稀

費昶行路難二首

君不見長安客舍門倡家少女名桃根貧窮夜紡無燈燭何言一朝奉至尊至  
尊離宮百餘處千門萬戶不知曙惟聞啞啞城上烏玉欄金井牽鹿盧丹梁翠  
柱飛屠蘇香薪桂火炊彫胡當年翻覆無常定薄命為女何必麤

君不見人生百年如流電心中瑀壙君不見我昔初入椒房時詎減班姬與飛  
鸞朝踰金榜上鳳樓暮下瓊鉤息鸞殿柏臺晝夜香錦帳自飄颺笙歌鄰上吹  
琵琶陌上桑過蒙恩所賜餘光曲霑被既逢陰后不自專復值程姬有所避黃  
河千年始一清微軀再逢永無議蛾眉偃月徒自妍傅粉施朱欲誰為不如天  
淵水中鳥雙去雙歸長比翅

皇太子聖製烏棲曲四首 簡文

芙蓉作船絲作紉北斗橫天月將落采蓮渡頭礙黃河郎今欲渡畏風波  
浮雲似帳月成鉤那能夜夜南陌頭宜城醢酒今行熟停鞍繫馬暫棲宿  
青牛丹轂七香車可憐今夜宿倡家倡家高樹烏欲棲羅帷翠帳向君低  
織成屏風銀屈膝朱脣玉面鏡前出相看氣息望君憐誰能含羞不自前

雜句從軍行一首

雲中亭障羽檄驚馬甘泉烽火通夜明貳師將軍新築營嫖姚校尉初出征復有  
山西將絕世受雄名三門應遁甲五壘學神兵白雲隨陣色蒼山峇鼓聲灑迤  
觀鵝翼參差覩鴈行先平小月陣却滅大宛城善馬還長樂黃金付水衡小婦  
趙人能鼓瑟侍婢初笄解鄭聲庭前桃花飛已合必應紅妝起見迎

和蕭侍中子顯春別四首七言

別觀蒲萄帶實垂江南荳蔻生連枝無情無意猶如此有心有恨徒別離  
蜘蛛作絲滿帳中芳草結葉當行路紅臉脉脉一生嗔黃鳥飛飛有時度故人  
雖故昔經新新人雖新復應故  
可憐淮水去來潮春隄楊柳覆河橋淚跡未慘詎終朝行聞玉珮已相要



桃紅李白若朝莊羞持憔悴比新楊不惜暫住君前死愁無西國更生香  
雜句春情一首

蜨黃花紫鸞相追楊低柳合路塵飛已見垂鈎挂綠樹誠知淇水霑羅衣兩童  
夾車問不已五馬城南猶未歸鶯囀春欲駛無為空掩扉

擬古一首

窺紅對鏡斂雙眉含愁拭淚坐相思念人去許多時眼語笑壓面迎來情心懷  
心想甚分明憶人忍語銜恨獨吞聲

倡樓怨節一首六言

朝日斜來照戶春鳥爭飛出林片光片影皆麗一聲一轉前心上林紛紛花落  
淇水漠漠落浮年馳節流易盡何為忍憶含羞

湘東王春別應令四首七言

昆明夜月光如練上林朝花色如霞花朝月夜動春心誰忍相思不相見  
試看機上文龍錦還瞻庭裏合歡枝映日通風影朱幔飄花拂葉度金也不聞  
離人當重合惟悲合罷會成離  
門前楊柳亂如絲直置佳人不自持適言新作裂紈詩誰悟今成織素辭

日暮徙倚渭橋西正見涼月與雲齊若使月光無近遠應照離人今夜嗁

蕭子顯春別四首

翻鶯度蕩雙比翼楊柳千條共一色但看陌上攜手歸誰能對此空中憶  
幽宮積草自芳菲黃鳥芳樹情相依爭風競日常聞響重花疊葉不通飛當知  
此時動妾思慙使羅袂拂君衣

江東大道日華春垂楊挂柳掃輕塵淇水昨送淚霑巾紅妝宿昔已應新  
銜悲攬涕別心知桃花李色任風吹本知人心不似樹可意人別似花離  
樂府烏棲曲應令二首

握中酒杯馬瑙鐘裾邊雜珮琥珀龍欲持寄君心不惜共指三星今何夕  
淚黛紅輕點花色還欲令人不相識金壺夜水誰能多莫持賒用比懸河

燕歌行

風光遲舞出青蘋蘭條翠鳥鳴發春洛陽梨花落如雪河邊細草細如茵桐生  
井底葉交枝今看無端雙鸞離五重飛樓入河漢九華閣道暗清池遙看白馬  
津上吏傳道黃龍征戍兒明月金光徒照妾浮雲玉葉君不知思君昔去柳依  
依至今八月避暑歸明珠登鸞蘭勉登機鬱金香薦特香衣洛陽城頭鷄欲曙丞



相府中鳥未飛夜寢征人縫狐貉私憐織婦裁錦緋吳刀鄭綿絡寒閨夜被薄  
芳年海上水中見日暮寒夜空城雀

王筠行路難一首

千門皆閉夜何央百憂俱集斷人腸揆揣箱中取刀尺拂拭機上斷流黃情人  
逐情雖可恨復畏過遠之衣裳已縲一繭催衣縷復擣百和衰衣香猶憶去時  
罽大小不知今日身短長衲襦雙心共一衲衲復兩邊作八襪襪帶雖安不忍  
縫開孔裁穿猶未達胷前却月兩相連本照君心不照天願君分明得此意勿  
復流蕩不如先含悲含怨判不死封情忍思待明年

劉孝綽元廣州景仲座見故姬一首

留故夫不峙曙別待春山上相看采薜蘿

劉孝威擬古應教一首

雙棲翡翠兩鴛鴦巫雲落月乍相望誰家妖冶折花枝娥眉暎睇使情移青鋪  
綵瑣琉璃扉瓊筵玉筍金縷衣美人年幾可十餘含羞轉笑斂風裾珠凡出彈  
不可追空留可憐持與誰

徐君倩別義陽郡二首

翔鳳樓遙望與雲浮歌聲臨樹出舞影入江流葉落看邨近天高應向秋  
飭面亭莊成更點星頰上紅疑淺眉心黛不青故留殘粉絮挂看箔簾釘

王叔英婦贈荅一首

妝鉛點黛拂輕紅鳴環動珮出房櫳看梅復看柳淚滿春衫中

沈約古詩題六首

詠李穆止收前二首此皆後人附錄故在卷末

愍衰草衰草無容色憔悴荒徑中寒苦不可識昔時兮春日昔日兮春風含  
華兮佩實垂綠兮散紅氛盪鳩鵲右照耀望僊東送歸顧暮泣淇水嘉客淹  
留懷上宮巖陬兮海岸冰多兮霰積爛漫兮客根攢幽兮寓隙布綿密於寒  
臬吐纖疎於危石既惆悵於君子倍傷心於行役露高枝於初旦霜紅天於  
始夕彫芳卉之九衢賈靈茅之三春風急峭道難秋至客衣單既傷檐下菊  
復悲池上蘭飄落逐風盡方知歲早寒流螢暗明燭鴈聲斷纔續萎絕長信  
宮蕪穢丹墀曲霜奪莖上紫風銷葉中綠山變兮青薇水折兮平葦秋鴻兮  
疏引寒鳥兮聚飛逕荒寒草合桐長舊巖圍夜漸薜蘿蕪沒霜露晝衣願逐  
晨征鳥薄暮共西歸

歲暮愍衰草

悲落桐落桐早霜露鸞鳥至葉未搗鴻來枝已素本出龍門山長枝仰刺天上峯



百丈絕下趾萬尋懸幽根已盤結孤株復危絕初不照光景終年負霜雪自顧無羽儀不願生曲池芬芳本自乏華實無可施匠者特畱眄王孫少見之分取生孤栢徒置北堂垂宿莖播晚幹新葉生故枝故枝雖遼遠新葉頗離離春風一朝至榮戶坐如斯自惟良菲薄君恩徒照灼顧已非嘉樹空用憑阿閣願作清廟琴為舞雙玄鶴薜荔可為裳文杏堪作梁勿言草木賤徒照君末光末光不徒照為君含噉眺陽柯綠水弭陰枝苦寒調厚德非可任敢不盡其心若逢陽春至吐綠照清潯

霜來悲落桐

聞夜鶴夜鶴叫南池對此孤明月臨風振羽儀伊吾人之菲薄無賦命之天爵抱跼促之長懷隨春冬而哀樂愍海上之驚鳧傷雲間之離鶴離鶴昔未離近發天北垂忽值疾風起暫下昆明池復值冬冰合水宿非所宜欲留不可住欲去飛已波勢逐疾風舉求溫向衡楚復值南飛鴻參差共成侶海上多雲霧蒼茫失州嶼自此別故羣獨向瀟湘渚故羣不離散相依滄海畔夜止羽相切晝飛影相亂刷羽共浮沈湛澹泛清潯既不得離別安知慕侶心九冬霜雪苦六翮飛不任且養凌雲翅俛仰弄清音所望望浮丘子旦夕來見尋

夕行聞夜鶴

聽曉鴻曉鴻度將旦跨弱水之微瀾發成山之遠岸怵春歸之未幾驚此歲之

云半出海漲之蒼芒入雲塗之杳漫無東西之可辨孰遐迹之能弄微昔見於州渚赴秋期於江漢集勁風於弱軀負重雪於輕翰寒谿可以飲荒皋可以竄鼠谿水徒自清微容豈足翫秋蓬飛兮未極寒草萎兮無色楚山高兮杳難度越水深兮不可測美明月之馳光願征禽之騁翼伊余馬之屢懷知吾行之未極夜綿綿而難曉愁參差而盈臆望山川悉無以惟星河猶可識聞鴈夜南飛客淚夜霑衣春鴻思暮反客子方未歸歲去驩娛盡年來容白非攬衽形雖是撫臆事多違青蒲雖長復易解白雲詎遠証難依

日辰征聽曉鴻

去朝市朝市淡歸暮辭北纓而南徂浮東川而西顧逢天地之降祥值日月之重光伊當仁之菲薄非余情之信芳充待詔於金馬奉高宴於柏梁觀鬪獸於虎圈望宵窕於披香遊西園兮登銅爵舉青瑣兮眺重陽講金華兮議宣室畫武帷兮夕文昌佩甘泉兮履五柞贊朽詭兮紱承光託後車兮侍華幄遊勃海兮泛清漳天道有盈缺寒暑遞炎涼一朝賣玉琬眷眷惜餘香曲池無復處桂枝亦銷亡清廟徒肅肅西陵久茫茫薄暮余多幸嘉運重來昌忝稽郡之南尉曲千里之光貴別北荒於濁河戀橫橋於清渭望前軒之早桐對南階之初卉非余情之屢傷寄茲焉兮能慰眷昔日兮懷哉日將暮兮歸去來

解珮去朝市



守山東山東萬嶺鬱鬱青蔥兩谿共一寫水潔望如空岸側青莎被巖間丹桂叢  
上瞻既隱軫下睇亦冥濛遠林響咆獸近樹聒鳴蟲路帶若谿石澗吐金華東  
萬仞倒危石百丈注懸叢掣手曳瀉流電奔飛似白虹洞井含清氣漏穴吐飛風  
玉竇膏滴瀝石乳室空籠峭嶮塗險崖岵步纒纒通余捨平生之所愛歎暮年  
而逢此願一去而不還恨鄒衣之未褫揖林壑之清曠事氓俗之紛詭幸帝德  
之方升值天網之未毀既除舊而布新故化民而俗徙播趙俗以南徂扇齊風  
以東靡乳雉方可馴流蝗庶能弭清心矯世濁儉政革民侈秩滿撫白雲淹留  
事芝髓 被褐守山東

玉臺新詠卷第九

玉臺新詠卷第十

- 古絕四首  
王獻之詩二首  
宋孝武詩三首  
近代雜歌五首  
雜詩一首  
王元長詩四首  
沈約詩三首  
吳興妖神贈謝府君覽一首江洪詩七首  
何遜詩五首  
徐悱婦詩三首  
梁武帝二十七首  
劉孝綽詩二首  
劉孝儀詩二首  
劉泓詠繁華一首
- 賈充與妻李夫人連句三首  
孫綽情人碧玉歌二首  
謝靈運谿中贈答二首  
鮑令暉寄行人一首  
雜歌三首  
錢唐蘇小歌一首  
虞炎有所思一首  
高爽詩一首  
范靜婦詩三首  
王僧孺詩二首  
王環代西豐豆侯美人一首  
蕭子顯二首  
玉臺卿同蕭治中十詠二首  
江伯搖楚越衫一首  
蕭麟詠相復一首
- 吳均新紀句四首  
姚翻詩三首  
皇太子聖製二十一首  
庾肩吾詩四首  
劉孝威八絕初筭一首  
何曼才爲徐陵傷妾一首



紀少瑜詠殘燈一首

王叔英婦暮寒絕句一首

戴嵩詠欲眠詩一首

劉孝威古體雜意一首

詠佳麗一首

古絕句四首

萑砧今何在山上復有山何當大刀頭破鏡飛上天  
日暮秋雲陰江水清且深何用通音信蓮花瑤瑁簪  
菟絲從長風根莖無斷絕無情尚不離有情安可別  
南山一樹桂上有雙鴛鴦千年長交頸歡愛不相忘

賈充與妻李夫人連句詩三首

室中是阿誰歎息聲正悲續歎息亦何為但恐大義虧夫  
大義同膠漆匪石心不移續人誰不慮終日月有合離夫  
我心子所達子心我亦知續若能不食言與君同所宜夫

孫綽情人碧玉歌二首

碧玉小家女不敢攀貴德感郎千金意慙無傾城色  
碧玉破瓜時相為情顛倒感郎不羞難回身就郎抱  
王獻之情人桃葉歌二首

桃葉復桃葉渡江不用楫但渡無所苦我自迎接汝  
桃葉復桃葉桃葉連桃根相憐兩樂事獨使我殷勤

桃葉荅王團扇歌三首

七寶畫團扇粲爛明月光與郎却暄暑相憶莫相忘  
青青林中竹可作白團扇動搖郎玉手因風託方便  
團扇復團扇持許自鄣面顛顛無復理羞與郎相見  
謝靈運東陽谿中贈荅二首

宋孝武詩三首

可憐誰家婦緣流洒素足明月在雲間若若不可得  
可憐誰家郎緣流乘素舸但問情若為月就雲中墮  
督護上征去儂亦思聞許願作石无風四面斷行旅  
黃河流無極洛陽數千里坎軻戎途閒何由見歡子  
自君之出矣金翠闇無精思君如日月回還晝夜生

丁督護歌二首

擬徐幹詩一首

許瑤詩二首

端木生河側因病遂成妍朝將雲鬢別夜與蛾眉連

詠柗榴枕



昔如影與形今如胡與越不知行遠近忘去離年月

閨婦答隣人

鮑令暉寄行人一首

桂吐兩三枝蘭開四五葉是時君不歸春風徒笑妾

近代西曲歌五首

生長石城下開門對城樓城中美年少出入見依投  
有客數寄書無信心相憶莫作瓶落井一去無消息  
歌舞諸年少娉婷無種跡菖蒲花可憐聞名不曾識  
朝發襄陽城暮至大隄宿大隄諸女兒花豔驚郎目  
暫出白門前楊柳可藏烏郎作沈水香儂作博山鑪

近代吳歌九首

朝日照北林初花錦繡色誰能春不思獨在機中織  
鬱鬱蒸仲暑月長嘯北湖邊芙蓉如結葉拋豔未成蓮  
秋風入窻裏羅帳起飄颺仰頭看明月寄情千里光  
淵冰厚三尺素雪覆千里我心如松柏君心復何似  
黃鳥結蒙籠生在洛谿邊花落逐流去何見逐流還

石城樂  
估客樂  
烏夜啼  
襄陽樂  
楊叛兒

春歌  
夏歌  
秋歌  
冬歌  
前谿

留衫繡兩褶疋置羅裳裏微步動輕塵羅衣隨風起  
遙遙天無枉流漂萍無根單身如螢火持底報郎恩  
紅羅複斗帳四角垂朱璫玉枕龍鬚席郎眠何處牀  
柳樹得春風一低復一昂誰能空相憶獨眠度三陽

近代雜歌三首

稽亭人去九里新人還送二便迎兩無有暫時閑  
青荷蓋綠水芙蓉發紅鮮下有竝根蕩上生同心蓮  
春蠶不應老晝夜常懷思何惜微軀盡纏綿自有時

近代雜詩一首

玉釧色未分衫輕似露腕舉袖欲鄣羞回持理髮亂

丹陽孟珠歌一首

陽春二三月草與水同色道逢遊冶郎恨不早相識

錢唐蘇小歌一首

妾乘油壁車郎騎青驄馬何處結同心西陵松柏下

王元長詩四首

上聲  
歡聞  
長樂佳  
獨曲

尋陽樂  
青陽歌曲  
蠶絲歌



花蒂今何在示是林下生何當垂兩髻團扇雲閒明  
自君之出矣金鑪香不燃思君如明燭中宵空自煎  
秋夜長復長夜長樂未央舞袖拂明燭歌聲繞鳳梁  
冰容慙遠墜水質謝明輝是照相思夕早望行人歸

謝眺詩四首

夕殿下珠簾流螢飛復息長夜縫羅衣思君此何極  
渠盈送佳人玉栝要上客車馬一東西別後思今夕  
綠草蔓如絲雜樹紅英發無論君不歸君歸芳已歇  
佳期期未歸望望下鳴機徘徊東陌上月出行人稀  
虞炎有所思一首

紫藤拂花樹黃鳥間青枝思君一歎息苦淚應言垂

沈約詩三首

分首桃林岸送別峴山頭若欲寄音息漢水向東流  
殘朱猶曖曖餘粉上霏霏昨宵何處宿今晨拂露歸  
影逐斜月來香隨遠風入言是定知非欲笑翻成泣

施榮泰詠王昭君一首

垂羅下椒閣舉袖拂胡塵唧唧撫心歎蛾眉誤殺人

高爽詠酌酒人一首

長筵廣未同上客嬌難逼還梧子不顧回身正顏色

吳興妖神贈謝府君覽一首

玉釵空中墮金鈿色行歌獨泣謝春風孤夜傷明月

江洪詩七首

風生綠葉聚波動紫莖開含花復含實正待佳人來  
白日清風輕雲雜高樹忽然當此時采菱復相遇  
潺湲復皎潔輕鮮自可悅橫使有情禽照影遂孤絕  
塵容不忍飭臨池思客歸誰能取綠水無趣浣羅衣  
孀居憎四時況在秋閨內淒葉流晚暉虛庭吐寒菜  
北牖風催樹南籬寒蚤吟庭中無限月思婦夜鳴砧  
上車畏不妍顧眄更斜轉太恨畫眉長猶言顏色淺

范靜婦詩三首

擬古

代徐幹

秋夜

詠火離合賦物為詠

玉階怨

金谷聚

王孫遊

同王主簿有所思

襄陽白銅鞮

早行逢故人車中為贈

為隣人有懷不至

采菱二首

綠水曲二首

秋風二首

詠美人治妝



早信丹青巧重貨洛陽師千金買蟬鬢百萬寫蛾眉  
今朝猶漢地明且入胡關高堂歌吹遠遊子寢中還  
輕鬢學浮雲雙蛾擬初月水激正落釵萍開理垂髮  
何遜詩五首

苑門闢千扇苑戶開萬扉樓殿閒珠履竹樹隔羅衣  
閨閣行人斷房櫳月影斜誰能北窓下獨對後園花  
鸞子戲還檐花飛落枕前寸心君不見拭淚坐調弦  
可聞不可見能重復能輕錯前飄落粉琴上響餘聲  
竹葉響南窗月光照東壁誰知夜獨覺枕前雙淚滴  
吳均雜絕句四首

書蟬已傷念夜露復霑衣昔別昔何道今今螢火飛  
錦甯連枝滴繡領合歡斜寢中難言見終成亂眼花  
蜘蛛檐下挂絡緯井邊嘯何當得見子照鏡窗東西  
泣聽離夕歌悲銜別時酒自從今日去當復相思否  
王僧孺詩二首

雪罷枝即青冰開水便綠復聞黃鳥思令作相思曲  
日晚應歸去上客強盤桓稍知玉釵重漸覺羅襦寒  
徐悱婦詩三首

長廊欣目送廣殿悅逢迎何當曲房裏幽隱無人聲  
夕泣以非踈寢嘯真太數惟當夜枕知過此無人覺  
摘同心支子贈謝孃因附此詩  
兩葉雖爲贈文情永未因同心處何限支子最關人  
姚翻詩三首

臨妝欲舍涕羞畏家人知還持粉中絮攤淚不聽垂  
覺罷方知恨人心定不同誰能對角枕長夜一過空  
黃昏信使斷銜怨心悽悽回鏡向下榻轉面閣中嘯  
王環代西豐侯美人一首

於今辭宴語方念泣離違無因從朔鴈一向黃河飛  
梁武帝詩廿七首  
秋月出中天遠近無偏異共照一光輝各懷離別思

王昭君歎二首

映水曲

南苑

閨怨

爲人妾思

詠春風

秋閨怨

春思

爲徐僕射妓作

光宅寺

題甘蔗葉示人

代陳慶之美人爲詠

寢見故人  
有期不至

邊戎詩



堂中綺羅人席上歌舞兒待我光泛豔為君照參差  
昔聞蘭蕙月獨是桃李年春心儻未寫為君照情筵  
柯亭有奇竹含情復抑揚妙聲發玉指龍音響鳳皇  
腕弱復低舉身輕由回縱可謂寫自歡方與心期共  
傾城非人美千載難里逢雖懷軒中意媿無鬢髮容  
階上歌入懷庭中花照眼春心一如此情來不可限  
蘭葉始滿地梅花已落枝持此可憐意摘以寄心知  
朱日光素冰黃花映白雪折梅待佳人共道陽春月  
江南蓮花開紅光覆碧水色同心復同萬異心無異  
閨中花如繡簾上露如蛛欲知有所思停織復時擘  
玉盤著朱李金栝盛白酒雖欲持自新復恐不甘口  
含桃落花日黃鳥營飛時君住馬已疲妾去蠶欲飢  
繡帶合歡炬錦衣連理文情懷入夜月含笑出朝雲  
七彩紫金柱九華白玉梁但歌雲不去含吐有餘香  
吹蒲未可停弦斷當更續俱作雙絲引共奏同心曲

詠燭  
詠筆  
詠笛  
詠舞  
連句詩  
春歌三首

夏歌四首

秋歌四首

子夜歌二首  
上聲歌一首  
歡聞歌二首

團扇歌一首  
碧玉歌一首  
襄陽白銅鞮歌三首

當信抱梁期莫聽回風音鏡上兩入髻分明無兩心  
恃愛如欲進含羞未肯前口朱發豔歌玉指弄嬌弦  
朝日照綺錢光風動紵羅巧笑倚兩屏美目揚雙蛾  
花色過桃杏名稱重金瓊名歌非下里含笑作上聲  
豔豔金樓女心如玉也蓮持底報郎恩俱期遊梵天  
南有相思木含情復同心遊女不可求誰能息空陰  
手中白團扇淨如秋團月清風任動生嬌香承意發  
杏梁日始照蕙席歡未極碧玉奉金栝綠酒助花色  
陌頭征人去閨中女下機含情不能言送別霑羅衣  
草樹非一香花葉百種色寄語古情人知我心相憶  
龍馬紫金鞍翠眊白玉羈照耀雙闕下知是襄陽兒  
皇太子雜題二十一首 簡文

寒閨  
行雨  
梁塵



兔絲生雲夜蛾形出漢時欲傳千里意不照十年悲  
北斗闌干去夜夜心獨傷月輝橫射枕燈光半隱牀  
慙別兩成疑開簾生舊憶都如未有情更似新相識  
客行祇念路相將度江口誰知隄上人拭淚空揺手  
新禽應節歸俱向吹樓飛入簾驚鈿鄉音來窻礙舞衣  
彈箏北窻下夜響清音愁張高弦易斷心傷曲不適  
錦慢扶船烈蘭燒拂浪浮去燭猶文水餘香尚滿舟  
頂分如兩髻簪長驗上頭捉栝如欲轉疑殘已復留  
可歎不可思可思不可見餘弦斷瑟柱殘朱染歌扇  
寂寂暮檐響黯黯垂簾色惟有瓠瓠落如見蜘蛛織  
入林看碣礪春至定無賒何時一可見更得似梅花  
遊戲長楊苑攜手雲臺間歡樂未窮已白日下西山  
膏肢本獨絕睂眼特驚人判自無相比還來有洛神  
散誕垂紅帔斜柯插玉簪可憐無有比恐許直千金  
別來顛顛久他人怪容色只有匣中鏡還持自相識

玉臺新詠卷一

卷一

華月已上雜詠四首

夜夜曲

從頓還城南

春江曲

新鸞

彈箏

夜遣內人還後舟

詠武陵王左右伍高傳栝

有所傷三首

遊人

絕句賜麗人

遙望

愁閨照鏡

可憐片雲生暫重復還輕欲使荆王寢應過白帝城  
綠葉朝朝黃紅顏日日異譬喻持相比那堪不愁思  
婉婉新上頭煎裊出樂遊帶前結香草鬢邊插石榴

蕭子顯二首

金羈遊俠子綺機離思妾春度人不歸望花盡成葉  
二月春心動遊望桃花初回身隱日扇却步斂風裾

劉孝綽詩二首

羨莖時繞釧擢水或沾妝不辭紅袖濕惟憐綠葉香  
采菱非采菜日暮且盈舫峙壻未敢進畏欲比殘桃

庾肩吾詩四首

歌聲臨畫閣舞袖出芳林石城定若遠前谿應幾深  
故年齊總角今春半上頭那知夫婿好能降使君留  
委翠似知節含芳如有情全由履跡少併欲上階生  
蘭堂上客至綺席清弦撫自作明君辭還教綠珠舞

玉臺新詠卷十

卷十

浮雲

寒閨

和人渡水

春閨思

詠苑中遊人

遙見美人采荷

詠小兒采菱

詠舞曲應令

詠主人少姬應教

詠長信宮中草

石崇金谷妓

玉臺新詠卷十

卷十



空度高樓月非復五三年何須照牀裏終是一人眠  
歛容送君別一歛無開時只應待相見還將笑解眉

劉孝儀詩二首

金鈿已照曜白日未蹉跎欲待黃昏後含嬌度淺河  
蓮名堪百萬石性重千金不解無情物那得似人心

劉孝威和定襄侯八絕初筭一首

合鬟仍昔髮略鬢即前絲從今一梳罷無復更縈時

江伯搖和定襄侯八絕楚越衫一首

裁縫在篋笥薰鬢帶餘香開看不忍著一見落千行

劉泓詠繁華一首

可憐宜出眾的的最分明秀媚開雙眼風流著語聲

何曼才為徐陵傷妾詩一首

遲遲衫掩淚憫憫恨縈眉無復專房日猶望下山逢

蕭麟詠初復一首

的的金弦淨離離寶襪分纖骨非學楚寬帶為思君

紀少瑜詠殘燈一首

殘燈猶未滅將盡更揚輝惟餘兩燄纔得解羅衣

王叔英婦暮寒一首

梅花自爛發百舌早迎春逾寒衣逾薄未肯懷骨身

戴暉詠欲眠詩一首

拂枕熏紅帕回燈復解衣傍邊知夜久不喚定應歸

劉孝威二首

朝日大風霜寄事是交傷葉落枝柯淨常自起甚張

可憐將可念可念直千金惟言有一恨恨不逐人心

玉臺新詠卷第十終

古體雜意

詠佳麗

詠石蓮

詠婦

詠婦

蕩婦高樓月

南浦別佳人

詠織女

詠石蓮

春閨思



後敘

右玉臺新詠集十卷幼時至外家李氏於廢書中得之舊京本也宋失一葉間復多錯謬版亦時有刊者欲求他本是正多不獲嘉定乙亥在會稽始從人借得豫章刻本財五卷蓋至刻者中徙故弗畢也又聞有得石氏所藏錄本者復求觀之以補亡校脫於是其書復全可繕寫夫詩者情之發也征戍之勞苦室家之怨思動於中面形於言先王不能禁也豈惟不能禁且逆揆其情而著之東山杖杜之詩是矣若其他變風化雅謂豈無膏沐誰適爲容終朝采綠不盈一掬之類以此集揆之語意未大異也顧其發乎情則同而止乎禮義者蓋鮮矣然其間僅合者亦一二焉其措詞託興高古要非後世樂府所能及自唐花間集已不足道而況近代挾邪之說號爲以筆墨動淫者乎又自漢魏以來作者皆在焉多蕭統文選所不載覽者可以觀歷世文章盛衰之變云是歲十月旦日書其後永嘉陳玉又





